

麗水縣志

卷五

麗水縣志卷五

祠祀

報功崇德明禋所宜肅也民國改政各壇廟典禮已廢惟丁祀戊祭牲牢酒醴歲有支給祀典特隆今將孔子廟及新建關岳廟首載於編以遵新制其有民俗俎豆所歸而未臚祀典者審與淫祀有殊亦莫或廢之矣東嶽行宮其來已久舊志附之簡末以當古蹟之一云

先師孔子廟 清之縣文廟也在縣治西南擇山之巔正中為大成殿翼以東西兩廡後為崇聖祠前為大成門為櫺星門為泮池為屏牆崇聖祠左為明倫堂右為鄉賢名宦祠又左

麗水縣志

卷五

祠祀

一

麗水啓明印刷所代印

為崇德齋西為廣業齋為祭器庫大成門東為文昌廟

明萬曆二

十八年知縣鍾武瑞始建於儒學門東鄭汝璧有記 康熙五十九年教諭葛天鵬移此

西為省牲所明

倫堂東為忠義祠又東為節孝祠祠下為土地祠為教諭署

初擇山故州社稷壇遺址唐刺史李繁始建學

(韓愈處州孔子廟碑)自天

子至郡邑守長通得祀而徧天下者惟社稷與孔子焉然而社壇豈如孔子用王者事巍然當坐以門人為配自天子而下北面拜跪薦祭進退誠敬禮如親弟子者句龍棄以功孔子以德固自有次第哉自古多有以功德得其位者不得常祀句龍棄孔子皆不得位而得常祀然其祀事皆無如孔子之盛所謂生人以來未有如孔子其賢過於堯舜遠者此其效與郡邑皆有孔子廟或不能修事雖設博士弟子或役於有司名存實亡失其所業獨處州刺史鄴侯李繁至官能以為先既新作孔子廟又命工改為顏回至子夏十人象其餘六十子及後大儒公羊高左邱明孟軻荀况伏生毛公韓生董生高堂生楊雄鄭元等數十人皆圖之壁選博士弟子必皆其人設講堂教之行禮肆

習其中又為置本錢稟米令可繼處以守廟成躬率吏及博士弟子入學行釋菜禮耆老歎其子弟皆興於學鄴侯尚文於古記無不貫達故其為政知所先後可歌也已乃作詩曰惟此廟學鄴侯所作厥初庫下神不以宇先師所處亦窘寒暑乃新斯宮神降其獻講讀有常不誠用勸揭揭先哲有師之尊羣聖嚴嚴大法以存象圖孔肖咸在斯堂以瞻以儀俾不或忘後之君子無廢成美琢辭碑石以贊攸始（杜牧書處州孔子廟碑陰）天不生夫子於中國中國當何如曰不夷狄如也荀卿祖夫子李斯師荀卿一日宰天下盡誘夫子之徒與書坑而焚之曰徒能亂人不若刑名獄吏治世之賢也彼商鞅者能耕能戰能行其法基秦為強曰彼仁義蝨官也可以置之自董仲舒劉向皆言司馬遷良史也而遷以儒分之為九曰博而寡要勞而無功不如道家者流也自有天地以來入無有不死者海上迂怪之士特出言曰黃帝煉丹砂為黃金以餌之晝日乘龍上天誠得其藥可如黃帝以燕昭王之賢破強齊幾於霸秦始皇漢武帝之雄才滅六疆擗四夷盡非凡主也皆甘其說耗天下捐骨肉而不辭至死而不悟莫尊於天地莫嚴於宗廟社稷梁武帝起為梁國者以筍脯麵牲為薦祀之禮曰佛之教牲不可殺以天子之尊捨身為其奴散髮為布地親命其徒踐之有天地日月為之主陰陽鬼神為之佐夫子巍然統而辨之復引堯舜禹湯

麗水縣志

卷五

祠祀

二

麗水啓明印刷所代印

文武周公為之助則其徒不為劣其治不為僻彼四君二臣不為無知一旦不信背而之他仍族滅之儻不生夫子紛紜冥昧百家鬪起是已所是非已所非天下隨其時而宗之誰敢非之縱有非之者欲何所依據而為其辭是以楊墨駢憤已降百家之徒廟貌而血食十年一變法百年一改教橫斜高下不知止泊彼夷狄者為夷狄之俗一定而不易若不生夫子是知其必不夷狄如也韓吏部夫子廟碑曰天下通祀惟社稷與夫子社稷壇而不屋取異代而配未若夫子巍然當座用王者禮以門人為配自天子至於庶人親北面而師之夫子以德社稷以功固自有次第哉因引孟子曰生人以來未有如夫子者也自古稱夫子者多矣稱夫子之德莫如孟子稱夫子之尊莫如韓吏部故書其碑陰云

宋康定中知州軍

事孫沔改建州學於迎秋嶺西遂以此為縣學宣和間經兵

火紹興十三年知縣王鈞重建景定四年知州軍事錢燾修

其兩廡四齋

（梁椅重修麗水學記）麗水學據樟山之顛形勝甲吾州即唐李鄴侯建以為郡校韓文公作夫

廟碑者也既更隸縣縣寤期會除葺弗以時屋老且腐今守秘閣錢公燾下車之明年即大修泮宮戶曹李君鑰慶元丞趙

君崇耕先後攝令各捐貲以相起景定四年孟夏秋七月成重
建者為內外門為職事舍更葺者為四齋為兩廡前是曠於禮
者舉釐而正之蓋公明敏而勤強尤沈浸文雅故孳孳於學校
如此役既士踵門請曰願有記椅辭謝未獲則相與步翠微閱
宮牆裴回四顧得深省焉傳曰天有四時地載神氣無非教也
繼之曰清明在躬志氣如神三才一原也神明之舍本體洞然
則川流山峙皆吾志氣所通君子之為學亦求其與天地相似
而已今庠序之士既幸宅勝以游則仰觀俯察必能以位育自
任豈徒緝辭藻騁辨說區區為聲

是後修建者元則縣尹韓

國寶

(王度麗水縣廟學碑陰記) 令尹韓君既作明德堂百里
秀民間風興起前邑尉沈清孫邑士林宗高劉起巖助

創兩序四齋廉訪僉事秋公聞而嘉之合同祿者聿新禮殿築
廟門外之偏闢戶峻階完舊益新中列二十四棘翼以仞牆又
大治櫺星門申嚴外衛循山環堵千有餘尺明年承事郎曲呂
不出由西域為邑長官知尊先聖作貌位神尹復新坐祀一十
四人像丹青彰施儀瞻孔肅簿樵川吳君友中僦工制獻象爵
坵簋簋豆籩以供祀事由唐而來上下五百年間興廢凡三未
有盛於今日者也惟尹英毅精斷能振紀綱以整齊其邑夷刈
寇攘畫固郊封脫人於兵居十年治行為諸邑最而於是舉行

麗水縣志

卷五

祠祀

三

麗水啓明印刷所代印

之無倦始終惟一用集成美邑人就事服勞不以為病推此以
往禮樂之化豈惟百里之民哉諸生既請刻石廟門之右余即
其陰以書元貞丙申七月既望 (括蒼彙紀) 縣尹韓國寶以擇
山陡絕不展拓太學釋褐吳海捐山下地增築與舊址平建明
德堂永嘉林

明則參議張敷華僉事江孟綸

成化間改明德
堂為明倫堂

知縣吳梓

嘉靖間闢民
居鑿為泮池

教諭辛漢

萬歷初建土地祠彙紀云
祠在敬一亭後考嘉靖五

年刻御製敬一箴於石
作亭覆之今亭廢石存
知府任可容 (萬歷二十年任可容重
修麗水學記) 麗水學在
擇山之巔風雨飄搖易圯余初蒞郡慨然有興復之思下其議
於縣縣誦於財偶閱庫藏廢寺租歲數百金請修學以資士遂
上其議於兩臺監司皆報可乃令校官季際熙李炤余尚友丞
簿尉吳大訓王持志張天佑課工縣令吳尚友費而府僚許
君國忠文君似韓劉君耀德督其成廟堂齋舍美奐一新諸士
請識歲月余弗爨于辭乃欲以一言列韓文之後所忻慕焉而
未易言也蓋嘗稽之二帝三王之道萬世莫易也周衰道微老
氏出而相勝土苴天下芻狗萬物一歸於虛然猶守虛篤靜也
佛氏後出又欲勝之流為無生之說故世之論學者多入空元
而摛文者亦竊取莊列之糟粕噫彼氏之勝吾道之中缺有以

致之也故琳宮梵宇極土木之華而吾夫子之廟剝落於山椒水涯也苟以其精誠之志澹泊之思求吾夫子之道則人倫以立事業以彰彌宇宙而配天地其視二氏特大明中燭火耳何足勝哉願以告諸學者

知縣樊良樞

萬曆

二十四年項

巡鹽御史傅宗龍

天啓二年(王一中重修麗水學記)麗水學古郡學也唐李

應祥有記
鄴侯創始而韓昌黎為之記元至元間縣尹韓公以學在擇山之巔山巒陡絕後未宏展太學釋褐吳君因捐地增築年來傾圮日甚歲癸亥滇南點蒼傅公持斧按方觀其類靡捐齏臺贖緩三百金為鼎新費惟時守道錫山雍明華公郡守莆中黃公郡丞溫陵廖公別駕粵西徐公司理漳南陳公縣令漳南蔡公各捐資有差以監修屬之縣尉陳國策未幾蔡公陞任去別駕徐公攝縣事悉慮殫精迄成勝舉而新令華亭姚公至聿贊厥成焉先是栝以連年水旱徵輸不前傳公業以鹽莢餘資代遼餉加派十之三茲又不憚發緩新學以興公德公之造福於麗宏矣夫鄴侯守土者也建學自其事而文公謂其知所先今公省方所至興利祛害察吏安民他日秉樞當軸其施為次第不可概見哉役既竣因敘次其事而以捐金之數列之碑陰

姚

元胤 天啓初年 建衛齋 清則知府李率祖 康熙十年 知縣王秉義張毓

麗水縣志

卷五

祠祀

四

麗水啓明印刷所代印

瑞教諭費家璵訓導鮑枳 二十四年 教諭王珊 二十五年 知縣張建德

二十九年 蔣時敏 四十七年 王鈞 雍正八年 教諭沈夢龍 乾隆十五年 金學超 三十三年 應正祿 嘉慶三年 署訓導陳遇春 道光三年 知縣張銑 二十六年 逮咸

豐八年粵匪踞城壞大成殿等處九年監生許一鈞貢生陳

鳳鏘修大成殿貢生徐琨修大成門貢生王如辰廩生鄭以

道以賓興錢建明倫堂十一年賊復踞城及退盡為焦土同

治七年知縣朱廷梁捐俸倡建未及興工以代去九年知府

馮譽驄知縣劉履泰各捐俸會同署教諭曾鴻昌教諭李恭

潤訓導張侃率紳士鳩資重建而建大成門則監生謝恩東

西廡則職員潘紹唐崇聖祠則監生何億昌億元也

(馮譽驄 重修麗)

(水學宮碑記)麗水爲處州附郭縣地瘠而貧民習耕作石田確歲雖登困無餘積然室家相守無逐末輕去其鄉土樸學不獵華薄希詭遇登賢書者其文醇雅淵奧槃槃根深蓋其俗使然也同治庚午予承檄署郡事甫至官邑令劉君謁予曰麗水距省會雖僻遠然風近古可興於學且縣學卽唐州學故址刺史李繁所建韓文公爲作記者也兵燹後茂草鞠焉願更新之予矍然曰此爲政首務也亟與劉君出金爲倡邑人士爭趨焉不數月事集將落成而予移守他郡行有日諸生父老操筆札而前曰侯治郡勤愛吾民摯願因新廟之成勒記於碑吾儕誦焉以無忘我侯之訓予乃告之曰諸君亦知國家立學之意乎夫學者將以學爲聖人也聖人之道高遠矣學之終身未能至而不學則不可以爲人彼以聖道爲迂遠者謂不便於富貴利達耳夫操孔子之道以求富貴利達且猶南轅而適燕趙豈但迂遠已哉智巧之士陷於富貴利達而悖道者多矣故學聖人者當自不悖聖人之道始麗之民重本而棄末士復尙質樸務實祛僞有不悖於道之基矣由此而之焉誦聖人之言法聖人之行游於學者必自問曰吾果得爲孔子徒歟過斯廟者必自思曰吾果無違孔子之教歟審如是是廟之作大有裨於吾民也苟或不然則美其輪奐高其閎闕亦與琳宮紺宇徒侈外觀而已豈國家立學化民成俗之意哉諸生父老其勉之矣

麗水縣志

卷五

祠祀

五

麗水啓明印刷所代印

(案)明嘉靖九年從張璁議詔天下先師廟易塑像以木主而麗學先師及四配十二哲像尙存論者往往執設奠無尸之說謂讓麗人土然所謂有其舉之莫敢廢者固亦禮經語也咸豐十一年經兵火像毀無存同治九年重建知縣劉履泰議用木主則又所謂有其廢之莫敢舉

光緒十二年知縣范道生率邑

紳職員葉鳳鏘鳩資修大成殿兩廡二十六年知府趙亮熙率邑紳歲貢生董培釀鉅金普加修葺至民國紀元五年邑紳孫壽芝等時方集會尊孔目擊殿宇傾頽亟謀大修曾屢呈請於省長每以帑絀而輟旋由知事陳贊唐捐俸倡修並於城鄉捐募得二千餘金以邑紳生員譚騏董其事自大成殿崇聖祠明倫堂均更新建築兩廡兩齋暨諸祠以次興修宮牆泮池櫺星門等靡不規復如制又大成門東文昌廟歲

歲修田 清康熙五十年知縣林竹詳撥廢寺田三十一畝五

分由學徵租以資歲修屢荒於水乾隆四十二年教諭金學

超查存田二十六畝四分

坐二十一都窰畝莊每年徵租穀二十石完糧銀三兩二錢一分三

釐秋米四斗八升七合

丁祀

孔子之祀肇自漢初唐宋以降代致尊崇清光緒末升列大祀禮節服制祭器與祀天一律典禮之隆茂矣美矣其配哲賢儒各位之以諱姓諱名加旁書字者沿襲帝制於古無徵悉改書以從今制

大成殿內

至聖先師正位南嚮

復聖顏子回

述聖孔子仍東位西向

麗水縣志

卷五

祠祀

七

麗水啓明印刷所代印

宗聖曾子參

亞聖孟子軻西位東向

兩序先賢東閔子損冉子雍端木子賜仲子由卜子商有子若

皆西向西冉子耕宰子予冉子求言子偃顓孫子師朱子熹皆

東向兩廡先賢東公孫僑林放原憲南宮适商瞿漆雕開司馬

耕梁鱸冉孺伯虔冉季漆雕徒父漆雕哆公西赤任不齊公良

孺公肩定鄔單罕父黑榮旂左人郟鄭國原亢廉潔叔仲會公

西輿如邾巽陳亢琴張步叔乘秦非顏噲顏何縣亶牧皮樂正

克萬章周敦頤程顥邵雍

位四十

西蘧瑗澹臺滅明宓不齊公冶長公皙哀高柴樊須商澤巫馬

施顏辛曹邨公孫龍秦商顏高壤駟赤石作蜀公夏首后處奚
容葺顏祖句井疆秦祖縣成公祖句茲燕伋樂欬狄黑孔忠公
西葺顏之僕施之常申楨左丘明秦冉公明儀公都子公孫丑
張載程頤三十位

先儒東公羊高伏勝毛亨孔安國毛萇杜子春鄭玄諸葛亮王
通韓愈胡瑗韓琦楊時謝良佐尹焞胡安國李侗呂祖謙袁燮
黃幹輔廣何基文天祥王柏劉因陳澹方孝孺薛瑄胡居仁羅
欽順呂柟劉宗周孫奇逢黃宗羲張履祥陸隴其張伯行湯斌
三十位

麗水縣志

卷五

祠祀

八

麗水啓明印刷所代印

西穀梁赤高堂生董仲舒劉德后蒼許慎趙岐范甯陸贄范仲
淹歐陽修司馬光游酢呂大臨羅從彥李綱張栻陸九淵陳淳
眞德秀蔡沈魏了翁趙復金履祥陸秀夫許衡吳澄許謙曹端
陳獻章蔡清王守仁呂坤黃道周王夫之陸世儀顧炎武顏元

李塏三十位均北上東西向（按）民國八年三月內務部呈準從祀先儒

略未詳東西位次因謹將兩儒恭載末座

崇聖祠殿內中

肇聖王木金父左

裕聖王祈父右

詒聖王防叔次左

昌聖王伯夏次右

啟聖王叔梁紇皆南向

先賢孔孟皮曾點孟孫氏東位西向顏無繇孔鯉西位東向

先儒東廡周輔成程珦蔡元定西向西廡張迪朱松東向均北

上歲以夏時仲春秋兩上丁日致祀前祀三日齋戒散齋

二日致祭一日如祀天儀右齋戒是日昧爽陪祀各官預集恭

俟正獻官乘禮輿至廟門外降輿右贊引左對引導由櫺星

右門入進大次正獻官具祭服侍從奉盥奉帨巾盥畢司祝

以祝版進正獻官恭閱署名司祝進奉於祝案右就次盥洗閱祝版鼓

初嚴典儀贊執事者就位執事者各就位再嚴然燭焚香三

嚴請正獻官行禮正獻官出大次贊引對引導正獻官由大

麗水縣志

卷五

祠祀

九

麗水啓明印刷所代印

成門右門入升午階就位北向立分贊引分獻官傳贊引陪

祀文武官均於甬道左右就位北向序立典儀贊樂舞生就

位執事者各司其事陪祀官各就位右就位典儀贊闢戶闢戶

訖贊迎

神贊者承傳以下凡典儀有詞贊者皆承傳

司樂舉麾贊舉迎

神樂奏昭和之章

凡樂作止舞進退均司樂執麾引之

辭曰大哉

孔子先覺先知與天地參萬世之師祥徵麟紘韻答金絲日月既

揭乾坤清夷工鼓祝樂作贊引贊四拜正獻官四拜傳贊贊

衆官皆拜衆官在位者皆四拜司樂偃麾工戛敵樂止凡樂以舉

麾鼓祝作偃麾戛敵止下同右迎神典儀贊奠帛爵行初獻禮司帛爵奉帛篚

揭尊冪勺挹酒實爵以進司樂贊舉初獻樂奏誰和之章辭
曰永懷

明德玉振金聲生民未有展也大成俎豆千古春秋上丁清酒既

載其香始升樂作樂工舉節舞干戚之舞凡舞以節領之贊

導引進退後同

引贊詣奠帛獻爵位導正獻官進殿右門詣奠帛獻爵案前
正立贊獻帛司帛進筐正獻官受筐拱舉司帛奠於案正中
贊獻爵司爵進爵正獻官受爵拱舉司爵奠於墊中退贊復
位導正獻官仍由殿右門出復拜位立左右司帛爵各奉筐
實爵進至

四配

麗水縣志

卷五

祠祀

十

麗水啓明印刷所代印

十二哲位前立兩廡司帛爵各奉筐實爵詣

先賢

先儒位前立分獻官各就案前受帛爵拱舉司帛爵獻於案上
退司祝就祝案前立贊引贊詣讀祝位導正獻官進殿詣讀
祝位正立樂暫止典儀贊讀祝司祝捧祝立正獻官左讀祝
辭曰惟某年月日某官某致祀於

至聖先師孔子曰惟

先師德參化育道貫古今集羣聖之大成炳前知以垂憲天下爲
公中國一人之量生民未有六經千載之心循宮牆而瞻富
美入室升堂隆俎豆而奉馨香先明後法茲當上丁祇率彝

章肅展微忱聿將祀典以

復聖顏子

宗聖曾子

述聖孔子

亞聖孟子配鳴呼聲名所屆血氣莫不尊親光景常新禮樂明其裡祀尚

饗讀畢正獻官拱舉司祝奉祝版安於筐退樂復作贊引贊復位導正獻官復拜位立贊四拜正獻官四拜傳贊贊衆官皆拜衆官皆四拜樂止武功之舞退文舞執羽籥進右初獻讀祝典

儀贊行亞獻禮司爵執爵以進司樂贊舉亞獻樂奏熙和之

麗水縣志

卷五

祠祀

十一

麗水啓明印刷所代印

章辭曰式禮莫愆升堂再獻響協鼗鏞誠孚壘甌肅肅雍雍譽髦斯產禮陶樂淑相觀而善樂作舞羽籥之舞贊引贊詣獻爵位導正獻官進殿詣獻爵案前奠爵於左

四配

十二哲兩廡隨分獻如初復位樂止右亞獻典儀贊行終獻禮司爵執爵以進司樂贊舉終獻樂奏淵和之章辭曰自古在昔先民有作皮弁祭菜於論思樂惟

天牖民惟

聖時若彝倫攸叙至今木鐸樂作舞與亞獻同贊引贊詣獻爵位導正

獻官進殿詣獻爵案前奠爵於右

四配

十二哲兩廡隨分獻如亞獻儀復位樂止文德之舞退右終典

儀進至殿東西向立贊賜福胙退贊引贊詣飲福受胙位導

正獻官進殿詣飲福受胙位正立捧福胙員就東案捧福胙

祇立正獻官之右接福胙員祇立於左贊飲福酒右員進福

酒正獻官受爵拱舉授左員贊受胙右員進胙正獻官受胙

拱舉授左員贊引贊復位導正獻官復拜位立贊引贊四拜

正獻官四拜傳贊贊衆官皆拜衆官皆四拜典禮贊徹饌司

樂贊舉徹饌樂奏昌和之章辭曰

先師有言祭則受福四海鬻宮疇敢不肅禮成告徹毋疏毋瀆樂

麗水縣志

卷五

祠祀

十二

麗水啓明印刷所代印

所自生中原有菽樂作司爵進徹籩豆各一少移故處樂止

右受福 胙徹饌 典禮贊送

神司樂贊舉送

神樂奏德和之章辭曰鳧繹峨峨洙泗洋洋景行行止流澤無疆

聿昭祀事祀事孔明以化烝民以育膠庠樂作贊引贊四拜

正獻官四拜傳贊贊衆官皆拜衆官皆四拜樂止右送 典禮

贊奉祝帛送燎司祝奉祝司帛奉筐司爵奉酒饌豫設饌盤 略取簠簋

籩豆之實置盤 內以備送燎 以次由中道出恭送燎爐正獻官轉立拜位

旁西向俟祝帛過仍復位

四配

十二哲兩廡帛饌均送焚燎分贊引分獻官退傳贊引陪祀文武官退立拜位東西樂作典儀贊闔戶闔戶訖贊禮成正獻官入大次樂止更衣歸署衆官皆歸

右禮成

崇聖祠同時遣屬致祭贊引引承祭官入祠垣右門詣階下盥手分贊引分獻官隨入典儀贊執事官各司其事贊承祭官就位引承祭官分獻官各就位北向立典儀贊闔戶闔戶訖贊迎

神四拜承祭官分獻官皆四拜贊奠帛爵行初獻禮贊引贊就奠帛爵位引承祭官入殿右門

凡承祭官進出皆由殿右門下同 詣

肇聖王位前正立司帛奉篚承祭官受篚拱舉奠於案司爵奉

麗水縣志

卷五

祠祀

十三

麗水啓明印刷所代印

爵承祭官受爵拱舉奠於塾中以次詣左右

正位前奠帛獻爵儀同贊引贊詣讀祝位引承祭官詣讀祝位正立司祝奉祝立案左讀祝辭曰惟某年月日某官某致祭於

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公曰惟

王垂裕後昆光開聖緒爲層冰之積水作大輅之椎輪旣祖功

而宗德必有達人亦木本而水源不忘數典茲屆上丁聿修
祀事配以

先賢孔氏

先賢顏氏

先賢曾氏

先賢孔氏

先賢孟孫氏尙

饗讀畢奉祝版安於筐贊引贊復位引承祭官出殿右門復位
典儀贊四拜承祭官分獻官皆四拜分贊引正殿分獻官入
殿左右門詣

麗水縣志

卷五

祠祀

十四

麗水啓明印刷所代印

配位前引兩廡分獻官詣兩廡

從位前奠帛獻爵復位均如正獻儀亞獻各獻爵於左終獻各
獻爵於右均如初獻儀典儀贊徹饌畢贊送

神四拜承祭官分獻官皆四拜贊奉祝帛送燎司祝司帛司爵各
奉祝帛酒饌以次送燎如儀承祭官避立西旁俟過復位典
儀贊闔戶闔戶訖贊禮成贊引引承祭官仍由祠垣右門出
分獻官隨出各退

右崇聖
祠祭儀

名宦祠 在崇聖祠右乾隆四十二年教諭金學超因樂育齋
故址改建祀名宦一十九人 宋縣令王禔 江安止 趙

汝濂 林裴 元縣尹韓國寶 教諭王度 明訓導祝金

知縣林性之 教諭林夢鼎 清總督郭世隆 朱昌祚

王隲 李之芳 李衛 孫爾準 巡撫范承謨 朱軾

按察使楊宗仁 提督塞理白

鄉賢祠 與名宦祠合祀鄉賢二十五人 宋梁汝嘉 季洞

吳安國 姜綬 閻邱昕 祝公明 王信 楊富老

元項棣孫 明葉琛 王廉 薛希璉 葉鉅 金忠 何

允恭 鄭宣 高鑑 汪瑛 陳遂 沈鍊 案嘉靖戊戌進士題名碑沈鍊

浙江紹興衛軍籍麗水縣人祠中向未設主嘉慶三年教諭應正祿據康熙中知府周茂源請祀鄉賢原檔及禮部議准咨文

增設 何鏜 王葑 葉曾 王敦儀 王一中

忠義祠 在明倫堂東清雍正五年知縣郭朝端奉文建所

麗水縣志

卷五

祠祀

十五

麗水啓明印刷所代印

凡二十人 宋忠臣季洞 姜綬 祝汝秩 章雲就

孝子 陳茂元 周奇 趙文澤 周智 元孝子祝大昌

陳錡 明忠臣葉琛 孝子 祝崐 劉廷胤 王胤昌

王胤昇 章射斗 許王聘 湯天祥 陳昌蔭 清孝子

錢金生 並勒姓名於碑

節孝祠 與忠義祠同時奉文建始在行春門內圯於水縣人

錢元炆於忠孝祠東建祠祀其母節孝王氏乾隆四十二年

教諭金學超并遷舊祠主合祀之姓氏並詳列女

府學先師廟 在府治南一里初學在樺山之巔唐元和李鄴

侯來守新孔子廟設講堂行禮有韓文公記 記載縣學先師廟下 宋康

定初威敏孫公沔徙今址

案通志註宋陳孔碩文廟記云威敏之來實景佑四年栝蒼彙記作

康定初誤

宣和初燬於寇侍郎黃葆光重建紹興壬戌維揚王提

關六齋郡人尚書梁汝嘉捐地相之

又少師給事王信亦置田贍學明倫堂左右有

小祠各一以祀二公皆圯萬歷間裔孫梁仁重建今存

毗陵徐汲復創三門十三年毗

陵鄒栩立櫺星門鑿池架橋咸淳辛未番陽李雷奮重建講

堂至元二十七年幹勒好古大修大成殿齋廬門廡悉加完

葺明正統七年推官黎諒捐俸易瓦鼎新大成殿景泰四年

知府張祐重建明倫堂天順五年知府馬偉重建大成殿成

化元年知府周祺創退省堂增築廡宇號房十八年參議張

敷華僉事江孟綸新之二十年知府郭忠修建正德十三年

麗水縣志

卷五

祠祀

十六

麗水啓明印刷所代印

知府林富購地增拓之萬歷二十年同知陳其志

呂鴻珂有記二

十八年知府李淳重修開濬泮池

續雲李銑記

四十二年知府鄧

士昌重修明倫堂

王一中記

四十七年知府陳見龍重修文廟天

啟五年同知廖鵬舉重修尊經閣萬歷二十八年知府任可

容重修

續雲鄭汝璧記

中爲

先師廟

康熙十九年知府季率祖重修後圯知府劉廷璣因前規

狹小捐俸改建自記

翼以兩廡前爲廟門三間門外及兩廊列樹碑文

左爲土地祠

知府劉廷璣建兩廊移祠於右以左爲官廳

前爲泮池跨以石橋又

前爲櫺星門

康熙己巳大風吹仆同知夏宗堯重建

東西成德達材二坊

復改爲德

配天地道冠古今後圯知府劉廷璣重立康熙四十九年左坊風仆雍正十年知府曹掄彬重立右坊毀壞麗水知縣王鈞重

建廟後爲明倫堂

康熙乙丑通判吳文煒重建知府劉廷璣重修後圯雍正四年學院彭維新捐俸重

建 後為崇聖祠

久廢康熙乙丑同知崔鳴鷺建雍正六年知府姚鈴重建

櫺星門左為

儒學門稍進為道義門久廢

門左有文昌祠文公祠敬一亭久廢

後為名宦祠

知府劉廷璣重建

鄉賢祠

康熙壬戌知府李率祖重建知府劉廷璣重修皆建

正六年知府姚鈴重建

西廡後為教授宅

康熙庚申知府李率祖同教授徐廷正重建

訓導

宅

僅存楹柱久僦民居康熙十七年訓導范光羲重修五間後久不住朽爛就傾雍正十年訓導周雯重修

射圃

鄉賢祠後久廢

清順治七年署推官張元樞重修康熙十六年知府

線一信十八年知府李率祖先後重建四十九年壞於風雍

正三年督學彭維新重建七年知府姚鈴建崇聖祠

案通志增列

乾隆以後屢有修葺無可稽攷咸豐八年粵匪陷郡城廟燬

十一年城再陷同治四年知府清安陳請興建奉撥錢四千

麗水縣志

卷五

祠祀

十七

麗水啓明印刷所代印

串益以十邑捐輸委任麗水知縣陶鴻勳經歷鄭國士教授

金鏞訓導程炳藻鳩工庀材經始九月至明年十一月落成

殿廡大成門櫺星門土地祠官廳並殿後明倫堂堂後崇聖

祠悉照舊址建復櫺星門左為儒學大門門內東偏重建名

宦祠鄉賢祠建教授署訓導署於明倫堂牆外西偏一律完

固在事紳士為麗水鄭以德王宗訓王經諸葛翊葉讜青田

葉萸敷縉雲李夢庚遂昌毛復裕工竣後未設碑記

舊府誌

嗣歲久失修復迭遭大水殿廡牆垣殊多損壞民國八年經

邑紳孫壽芝王復等倡議重修呈奉甌海道黃道尹慶瀾首

倡捐百金並令舊府屬十縣撥款重修委紳士譚騏董其事

甫竣工而宮牆復被水冲坍功敗垂成是可慨已

案舊府文廟今僅存大成殿崇聖祠東西兩廡土地祠及官廳等處其明倫堂教授訓導兩署俱改爲省立第十一中學校附屬小學校舍矣

教授署

在明倫堂西牆外

訓導署

在教授署後

名宦祠

在學左大門東北

祀四十二人

唐刺史李邕李繁邢羣李仲敏宋郡守楊億張若谷孫沔關景暉陳戩黃烈黃葆光張鬻劉大中汪待舉葉顥范成大馬光祖吳勢卿吳芾侍御謫監酒稅劉琦教授黃啟明教授蘇

麗水縣志

卷五

祠祀

十八

麗水啓明印刷所代印

伯衡知府劉仲濂謝子襄張祐萬安韓斐郭忠謝緝同知范天錫胡琮林復通判黃聰訓導姜普溫處道胡有恆清總督郭世隆朱昌祚王隲李之芳巡撫范承謨提督塞理白按察使楊宗仁

鄉賢祠

在名宦祠前

祀五十人

宋周明梁汝嘉閻邱昕鄭汝諧何琬王信項安世季陵葉賀孫吳安國田渭季洞明志深祝公明姜綬尹起莘王夢松楊富老元鄭滁孫項棣孫祝大昌王毅明劉基章溢葉琛胡深王景王廉葉子奇薛希璉金忠盧璣李棠潘琴潘辰葉鉅鄭宣汪瑛劉璟陳紹樊敬虞瑤何允恭高鑑裘仁陳遂王葑王

敦儀王一中清端木國瑚

關岳廟 在縣治西樺山麓由舊關帝廟遺址改建祀關壯穆羽岳忠武飛民國四年三月奉令仿古禡祭武成廟祭遺意以關岳合祀無論京師及各地地方均宜就現有壇廟擇其基地較廣屋宇較闊敞或鄰近郊野足以陳兵習戰遣將誓衆者酌改爲廟並祀蜀漢以下張飛等二十四人時知事陳贊唐遵令擇定古關帝廟遺址改建爲關岳合廟頭門一間正殿三楹中爲關岳神龕左右兩序爲祀栗主每歲春秋戊祭率於此恪將祀事

戊祭

北京漢壽亭侯建於隋代迄今一千三百餘年典禮之隆擬之闕里岳廟始建於鄂在宋孝宗乾道五年其廟之在

麗水縣志

卷五

祠祀

十九

麗水啓明印刷所代印

河南浙江江蘇等處者並由地方官春秋致祭論勳業則河山並壽同期恢復中原論行誼則忠孝兼全不僅頡頏國土從祀之人以氣節爲上武略次之自蜀漢至明凡二十四人

殿內正位左奉

關壯穆侯右奉

岳忠武王均南向兩序奉歷代忠武將士

張飛王濬韓擒虎李靖蘇定方郭子儀曹彬韓世忠旭烈兀徐達馮勝戚繼光東位西向趙雲謝玄賀若弼尉遲敬德李光弼王產章狄青劉錡郭侃常遇春藍玉周遇吉西位東向均北上歲以春秋分節氣後第一戊日由駐在地方各文武推官職較高者一人親詣敬祭官職較次者二人東西序分

獻前祭一日齋戒是日昧爽陪祭各官豫集恭蒞正獻官戎

衣至廟門下騎或降輿對引二人導進幄次具祭服侍從奉盥

奉帨巾盥畢司祝以祝版進正獻官恭閱署名司祝進奉於

祝案右就次盥洗閱視版鼉鼓初嚴典儀贊執事者就位執事者各就

位再嚴然燭焚香三嚴禮生請正獻官行禮正獻官出幄次

對引導入左門升左階就位北向立禮生進立殿左西向分

贊引分獻官傳贊引陪祭各官均於階下就位北向序立典

儀贊樂舞生就位執事者各司其事陪祭官各就位右就位典

儀贊迎

神贊者承傳以下凡典儀有詞贊者皆承傳司樂舉麾贊舉迎

麗水縣志

卷五

祠祀

二十

麗水啓明印刷所代印

神樂奏建和之章辭曰懿鑠兮神功震華夏兮英風義勇兮河東

惟湯陰兮與同修祀典兮方州佇降歆兮闕宮樂作鳴贊贊

再拜正獻官再拜傳贊贊衆官皆拜衆官在位者皆再拜樂

止右迎神典儀贊奠帛爵行初獻禮司帛爵奉帛篚揭尊冪勺

挹酒實爵以進司樂贊舉初獻樂奏安和之章辭曰神來兮

格思風馬下兮靈旂量幣兮初陳薦芳馨兮玉卮瞻仰兮明

威儼如在今軒墀樂作樂工舉旌舉干戚之舞鳴贊贊詣奠

帛獻爵位對引導正獻官進殿左門先詣

關壯穆侯位前正立鳴贊贊獻帛司帛進篚正獻官受篚拱舉司

帛奠於案正中贊獻爵司爵進爵正獻官受爵拱舉司爵奠

於墊中退次詣

岳忠武王位前正立獻帛奠爵儀同贊復位對引導正獻官仍由
殿左門出復拜位立兩序司帛爵各奉篚實爵進至東西序
前立分獻官各就案前受帛爵拱舉司帛爵奠於案上退
司祝就祝案前立鳴贊贊詣讀祝位對引導正獻官進殿詣
讀祝位正立樂暫止典儀贊讀祝司祝捧祝立正獻官右讀
祝辭曰惟某年月日某官某敬祭於

關壯穆侯

岳忠武王曰惟

神武功彪炳偉烈昭垂建大節於千秋振英風於六合忠誠正直

麗水縣志

卷五

祠祀

二十一

麗水啓明印刷所代印

麗河嶽而長留智仁勇功與日星而並耀潔馨香而合祀德
量同符肅俎豆以明裡心源如接惟祈

歆享克鑒精誠尙

饗讀畢正獻官拱舉司祝奉版安於篚退樂復作鳴贊贊復位

對引導正獻官復拜位立樂止

右初獻
讀祝

典儀贊行亞獻禮司

樂贊舉亞獻樂奏靖和之章辭曰萬舞兮洋洋禮再舉兮陳

觴靈昭昭兮既留庶鑒誠兮降康樂作

舞同
初獻

司爵奉爵分詣

關侯

岳王位前拱舉各奠於左退兩序隨分獻如初樂止

右亞
獻

典儀贊

行終獻禮司樂贊舉終獻樂奏康和之章辭曰名世兮鍾靈

炳河嶽兮日星祀事兮三成肅駿奔兮廟庭樂作舞同司爵
奉爵分詣

關侯

岳王位前拱舉各奠於右退兩序隨分獻如亞獻儀樂止舞退右終

獻典儀進至殿東西向立贊受振退鳴贊贊詣受振位對引

導正獻官進殿詣受振位正立司振員就西案執振祇立正

獻官之左接振員祇立於右鳴贊贊受振正獻官受振拱舉

授右員賜於軍吏贊復位對引導正獻官復拜位立鳴贊贊

再拜正獻官再拜傳贊贊衆官皆拜衆官皆再拜典儀贊徹

饌司樂贊舉徹饌樂奏蹈和之章辭曰告徹兮禮成神其受

麗水縣志

卷五

祠祀

二十二

麗水啓明印刷所代印

兮苾芬明德兮惟馨播聲威兮八紘樂作司爵進徹籩豆各

一少移故處退樂止右受振典儀贊送

神司樂贊舉送

神樂奏揚和之章辭曰雲駕兮高翔神將歸兮九閭受福兮烝民

導我武兮惟揚樂作鳴贊贊再拜正獻官再拜傳贊贊衆官

皆拜衆官皆再拜樂止典儀贊奉祝帛送瘞司祝司帛司爵

進捧祝帛酒饌以次恭送瘞所正獻官避立西旁俟祝帛過

復位兩序帛饌均隨送瘞分贊引分獻官退傳贊引陪祭各

官退立拜位東西旁樂作樂章與上典儀贊禮成禮生導正

獻官入幄次樂止更戎衣歸衆官皆歸右送神

禮成

（按）丁戊兩祀道尹縣知事視省省視
京師故一切儀節均遵京師節載

先農壇 在巖泉門外馬鳴莊清雍正五年知縣郭朝端奉文
建并置藉田四畝九分人民國祭典不舉田亦廢

社稷壇 在通惠門外

風雲雷雨山川壇 在南明門外溪南一里許

關帝廟 麗邑關帝廟有二均爲官府致祭之所一在縣治西
華祠舖清同治十年由四營釀資創建祠事由營官主之一
在圭山明萬歷四十二年建有縣人王一中碑雍正六年知
府姚鈴更新之查法喜廢寺田七十三畝給住僧供香火修
葺咸豐十一年燬於寇同治六年知府清安請帑重建（案）關
帝文

麗水縣志

卷五

祠祀

二十三

麗水啓明印刷所代印

昌諸廟鄉里多有之今惟著有司致祭之所餘不備及

改曆後祀典廢民國三年經利

用公司呈請省長以是廟給爲廠舍並願輸別建之資時適
奉省令改建關岳廟遂於縣治西擇山麓古關帝廟遺址改
建爲關岳廟移圭山關帝廟栗主於新廟以舊址改爲利用
公司廠舍

倉聖廟 在擇山西麓道光十四年北鄉監生陳棠建同治十
年棠子貢生鳳鏘重修

文昌廟 在圭山明萬歷二十二年知府任可容通判文似韓
建康熙三十三年知府劉廷璣重修乾隆中別建於府學東
南咸豐十一年經兵燹鞠爲茂草同治七年知府清安重建

春秋祀事率於此焉今遺址已奉今撥歸第十一中學校經管

純陽廟 在法海寺前嘉慶十一年奉文建始在圭山之西十七年徙今地同治六年知府清安重建

天后宮 一在縣治南清乾隆十八年奉文建春秋致祭一在縣西四十里碧湖經兵燹傾圮同治十一年縣丞董任穀率董林萃英沈毓彥闕賡颺賡華集貲重修一在縣南五十五里大港頭縣人徐望章有記

城隍廟 在圭山南麓向無祠宇附神位於郡廟乾隆二十一年知縣陳澧創建嘉慶五年壞於水八年知縣張吉安重修

麗水縣志

卷五

祠祀

二十四

麗水啓明印刷所代印

道光十九年邑人擴基重建至二十五年知縣張銑督率竣工崇閏華棖頗稱鉅麗嗣經兵燹梁棟傾圮光緒元年知縣彭潤章籌捐重修不啻前此之宏整矣

府城隍廟 在城東南圍山下邑廟左舊在分守道東明嘉靖三十六年知府高超改建今址屢有修葺咸豐十一年匪燬同治八年知府清安籌捐議建甫興工以憂去九年署知府馮譽勳督催建造十年知府潘紹詒接續經理十二年工竣嗣以失修漸圯至民國八年由城隍會董募捐大修焉

厲壇 在北郊二里

(徐望璋觀祀孤詩)風酸雨咽氣蕭騷荒塚纍纍野獸嗥求食寒狸藏窟穴驚人宿雉

起蓬蒿讒魂底處招無極餒鬼常年泣若敖颯沓不知誰氏子一坏淺土傍城壕荒郊千點簇陰燐誰向空王證昔因不少災

星羅水火儘多戰血洒荆榛夜臺祇覺天難曉苦海眞憂地不
春一饗那支終歲餓黎邱畢竟耐長貧一樽沃醑慰幽冥樂土
還將祝再生壇下似看行窻窻石根微聽語讕杜鵑蝴蝶空
吟詠螻蟻烏鳶就重輕尤悵旅魂無處著愁雲不散雒陽城輪
回一度劫塵捐爲誦維摩了宿緣鼠囓枯籐餘舊夢螢粘腐草
盡荒烟飯炊珠顆麻姑米紙化銅山鄧氏錢前業已空歸正覺
恩銜朽骨
到重泉

麗陽廟 在城北十里初名曰白塔廟唐大中四年州守徐鄩

改今名有宋郡守葉武子奏免浮財物力碑其陰刻元至大
中修廟記又有至順三年加封神號及至正十四年危素碑

俱詳栝蒼金石志

(張蟠麗陽廟記)古麗陽廟卽白塔廟山頂舊有浮圖故取名焉雖至窘湫禱之罔不

響應大中四年今齊州刺史徐公鄩理處屬亢暘徧祈山川罔
有徵驗躬酌此廟雨乃隨車公以邑有麗陽溪廟居其後遂改
麗陽廟八年冬天水姜公肅委知軍州事與麗水令榮陽鄭公
全察相顧言曰郡邑無事山廟可完春三月乃請郡虞侯樂安

麗水縣志

卷五

祠祀

二十五

麗水啓明印刷所代印

汪漢藩審勢於舊廟之西而創殿焉正位麗陽王乃北山之神
左則白塔王斯土地之主右則巨潭王乃北沼之靈也夏五月
十五日郡邑官僚鄉里耆舊列筵以落之(萬歷續處州府志)
嘉靖間知府董得朋置田一頃一畝以供祭事萬歷十七年知
府郭宗盤因變賣寺田遂併廢之至二十一年同知陳其志始
復其舊(李詔麗陽廟祭田記)麗陽之神載在祀典粵自唐宋
以入我朝歷八百餘年有欽給香燭無祭田郡守東莊董公郡
佐定齋梁公暨郡邑諸大夫後先相繼置田百一畝屬邑父老
治祭儀以供歲事邇年閩中郭公守栝籍寺田租入爲公帑而
麗陽祭田亦在收例祀事闕修屢矣會連歲旱熯疫癘道殣不
收郭公入計行郡佐安陸陳公攝篆民白其事陳公憮然曰寺
田初由官給寺廢則租可收祭田出自人供神存則祭不可廢
也遂檄縣復田於廟聽民歲時告虔民大驩悅欲徵言以垂不
朽余惟神捍災恤患禮宜報祀歷朝符敕碑記班班可考余何
庸贅但述復田始末以垂永久云(括蒼彙紀)宋紹定戊子六
月二日郡守高似孫持香麗陽祠至第二殿有龍見扇如初如
飛螢熠熠俄成青金色長出扇外頃又化五色晶采異常羣目
驚悚(高似孫麗陽廟紀異詩)曉拜麗陽峯輕烟鎖亂松一香
通有象五色化成龍但只飛靈雨須教慰老農平生知己處神
獨最於儂(括蒼彙紀)麗水麗陽山相傳每歲六月既望夜林

壑間有燈若人往來迎送節判朱天民見而異之今居民凡六月二十八夜盡燃燈祀神（朱天民神燈詩）昔聞長老說北山有神燈六月神初度邑人競高登夜深猶闌寂歛復見峻嶒雪煜煥珠采點綴橫玉繩漸漸出陰壑一度蒼藤乍明乃倏晦此沒復彼興光中若有人前後相參承久久始散去各自為儕朋我習聞此語所恨見未曾竭來默致禱祥光俄相應體大赤
果日中瑩融清冰夫豈一寸腸信足
通幽冥再拜語燈火照我心淵澄

龍神祠 在縣治西麗陽行祠後嘉慶十三年知府方維祺建

咸豐八年遭匪蹂躪僅遺基址同治十年夏旱郡守潘公紹

詒齋沐步禱得雨願新之越日大雨歲仍稔遂倡捐廉五百

金率董創建焉

三皇廟 在圭山西麓

案元黃文獻集三皇廟記唐天寶間三皇始有廟天下都邑咸得通祀云云麗

邑之廟不知所自始今俗呼爲藥王廟

麗水縣志

卷五

祠祀

二十六

麗水啓明印刷所代印

禹王廟 在城東前路青林二村俱傍大溪又在城南十里吳

弄口

詹南二司馬廟 在城西五十里松陽境內祀梁開通濟渠二

司馬今俗改爲白龍廟以二司馬附

（關景暉詹南二司馬廟記）麗水十縣皆並山爲

田常患水不足縣西五十里有堰曰通濟障松陽遂昌兩溪之水別爲大川分爲四十八派析流畎澮注民田二千頃又以餘水瀦爲湖以備溪水之不及自是歲雖凶而常豐元祐壬申堰壞命尉姚希治之明年率羣官往視成功有廟曰詹南二司馬不知其誰詢諸故老謂梁有司馬詹氏始謀爲堰而請於朝又遣司馬南氏共治其事是歲溪水暴悍功久不就一日有老人指之曰過溪遇異物卽營其地果見白蛇自山繞溪北營之始就明道中碑刻尙存云

武肅廟 在縣西三十里九龍村祀吳越王錢鏐

惠應廟 在城北二十里甘泉壩神姓金佚其名有宋嘉定八

年賜額敕牒碑

(敕牒碑陰記)金端公廟父老相傳唐末山賊劫掠為國勤兵至麗水縣二十五都武婆嶺

沒於王事累顯神蹟云云餘多剝蝕

靈應廟 在城北三十里浯溪神姓葉佚其名有元至正六年

碑

(林似祖靈應廟記)葉侯生唐僖宗朝旅力絕倫里有毒蛇荐食畜產且傷人侯帥其二子磔殺之既卒賊兵過或見

侯率眾擊賊賊辟去鄉井賴完宋淳祐二年進士潘檜始創廟宇皇元混一命正一真人留國公得以符誥封鬼神皇慶壬子鄉人狀神功惠以聞封廣福威烈侯長子助靈將軍次昭顯將軍廟號靈應

彭城廟 在城南十里下劉神姓劉佚其名有元大德元年碑

(鄭桂高碑記)咸淳十年處州狀彭城三神伯父二姪以次發靈民蒙惠利明年牒建德府僚來覈又明年皇元命神靈滋不可揜爰作新廟云云

梁太傅廟 在縣南五十里石侯庄祀東漢太傅梁商初五季

麗水縣志

卷五

祠祀

二十七

麗水啓明印刷所代印

時商裔孫大理評事梁邁避閩亂與弟遜自建甯崇安縣奉其神主來徙石侯立廟於夏山之汭至宋紹興間梁汝嘉始移建夏山之陽即今廟址成化四年益擴其規模備極壯觀卓太傅廟 在縣南五十里河川庄祀東漢太傅卓茂明萬歷間里人葉馬端建清康熙十二年馬端裔孫正春等重修有縣人薛茂育碑誌

秦淮海祠 在萬象山乾隆六十年溫處道秦瀛摹像并宋元祐三年除太學博士敕勒石蓮城書院嘉慶元年知府修仁移建於此咸豐十一年燬於粵寇同治七年崇房寺僧精一募緣重建

秦瀛書淮海先生除太學博士敕碑後乾隆五十八年冬十二月瀛以戶部郎中出為溫處兵備道

處之姜山爲宋酒稅局始祖淮海先生謫監郡酒稅時居此又青田縣有慈仁院者先生昔訪曇法師於是官滿作詩留別院僧繪像立祠嘉泰間郡守胡澄取先生像刊石郡齋瀛訪先生祠已久廢郡齋亦無先生像未幾瀛遷杭嘉湖道去今年秋諗諸處州守伊君湯安將於郡城之圭山蓮城書院設先生位以存祠祀會族祖雲錦來杭州眎瀛所藏先生小像又元祐三年除太學博士校正秘書省書籍敕一通瀛敬謹重摹勒石屬伊君嵌置蓮城書院之壁按先生除博士由蘇文忠公之薦其後俱以黨禍被謫先生始以國史院編修判杭旋貶處州且由處轉徙嶺海歿於藤州之華光亭瀛監司浙東既過先生所嘗監稅處今官於杭杭之天竺龍井皆有先生遺蹟徘徊瞻仰亦有厚幸矣無錫裔孫瀛謹識於武林官舍時乾隆六十年十一月既望後一日（秦瀛處州萬象山淮海先生祠堂記）處州故余遠祖淮海先生監酒稅處也先生在處時嘗訪曇法師於慈仁院既去院僧繪像立祠具載處州府志今祠廢而像亦不可考乾隆癸丑冬瀛奉天子命備兵溫處將重建祠而遽以遷調去乙卯冬始自杭州刻先生像移奉處州圭山之蓮城書院又閱一年杭郡丞修君奉檄權處州事將行來謁別余語及之修君蒞處以書來諗曰書院地故湫隘不克稱有萬象山者故郡城最高處其上爲崇福寺極爽塏今以寺中之東偏三楹重加

麗水縣志

卷五

祠祀

二十八

麗水啓明印刷所代印

黜聖設神龕奉先生像祀焉祀之日自郡大夫以下及處之士民咸往瞻拜如禮此處州萬象山之所由有先生祠也瀛惟先生少負經世略彊志盛氣好談兵爲蘇文忠公所賞既而不效於世迺一意託之文章迨坐黨籍出倅杭州言者論其增損實錄橫羅貶謫監酒稅於此而小人承望風指猶未已卒以謁告寫佛書削先生秩遷徙嶺海易曰君子得輿小人剝盧君子小人之進退剝復係乎國家之治忽宋自黨禍興而神州陸沈後世士君子過先生祠所當太息痛恨於紹聖之已事也顧當時之禍先生者其骨已朽而先生及諸君子之名至今猶在天壤亦可見小人之禍君子無往不福君子小人之智適成爲小人之愚已矣而先生踪蹟所至官於其地者無不爲之流連感慕况又爲其子孫如瀛者與瀛往來處州未至萬象山聞其地俯臨城郭近挹溪光望之若圖畫蓋枯蒼一郡之勝而又與姜山近卽宋時酒稅局先生之靈其憑依於是無疑也修君名仁漢軍鑲藍旗人由舉人出爲知縣遷杭州府總捕同知今署處州府知府祠之成繫君成之麗水縣知縣常熟邵培德處州府教授海甯張駿麗水縣典史無錫侯寶樹並襄其事例得具書時嘉慶元年丙辰十二月望前五日（張吉安詩）僉判杭州到花亭子幾春風一臥圓菴百慮空才子回頭都是佛而今彌勒

一龕同（董游詩）醉臥藤陰夢正長炎風吹淚又蠻鄉微雲競
寫詞人句衰草空迴學士腸到眼魚豚皆別恨驚心鼓角易斜
陽一龕今與彌陀共不負當年燕瓣香（王邦鎬詩）官謫南園逸
韻長先生祠在白雲鄉徘徊稅址添離恨太息黨碑欲斷腸舊
石有靈摹碧蘚荒祠無主問斜陽鶯
花寂寂今誰謁墨客騷人燕瓣香

五賢祠 在府學東初祀宋孫沔黃葆光吳戴後增王之望王

信爲五賢云

（案）沔葆光之望爲長官戴信爲鄉人結爲五賢
未曉其義宋史云之望紹興中爲處州教授府

志不載後力主和議割地啖敵人無足重然史稱其有文藝
幹略則爲教授時曾有治績也王信明一統志作王公信誤

忠節祠 在樺山儒學南宋建炎初敕建祀太原府孟縣主簿

祝公明忠翊郎姜綬義士章雲就知雍州詹友四人並靖康

建炎間死難者也紹定中郡守高似孫修之（案）祠始在九盤

郡治徙祠遂廢公明十一世孫欖改建今地見明成化八年重
建碑浙江通志謂祠址失考未見碑耳碑多殘缺其敘四賢有

麗水縣志

卷五

祠祀

二十九

麗水啓明印刷所代印

名良臣者良上闕一字未悉其異同之故（高似孫忠節祠記）
似孫守括兩載一日小孫彭夢神人曰我太原孟縣義烈祝公
也姜官師也章少傅也詹光祿也一屋荒寂西亞角樓雲馬風
車謝守振拔者魚魚闐闐我慕焉幸爲啓太守彭曉白其事乃
謁以香四公名稱宛與夢合卽上奏願賜旌額肖像而奉之竊
惟天之爲天人之爲人同一清明其生爲忠臣爲義士死亦如
之耿亮湛澹直可以配天諸公皆以罵賊不屈於刀鋸報之者
嗇有國者所當盡其義爲人臣者不當辭其責予歸矣稍刊其
意以告後之
垂意於斯者

清風祠 在縣治南宋嘉熙間郡守馬光祖建祀敷文閣待制

閻邱昕青田洪師中有記

開國元勳祠 在富山明嘉靖中知府潘潤建祀誠意伯劉基

咸豐十一年粵匪踞城祠燬無存同治六年青田裔孫廷樑

等重建

（潘潤請建祠檔案）禮部爲崇元勳以厲人心事祠祭
清吏司案呈奉本部送禮科抄出浙江處州府知府

潘潤一本洪惟我太祖高皇帝龍飛淮甸奄有大業當時佐命諸臣奉行天討削平僭亂者有徐達湯和輩而運籌帷幄者惟劉基一人太祖嘗敬禮之而不名每曰吾子房也所以待之者至矣厥後徐達之子輝祖襲封公爵世相承劉基之孫薦襲封誠意伯自薦後不傳景泰間欽取基七世孫劉祿授翰林院五經博士天順元年劉祿奏請立祠詔下有司營建於基原籍青田縣然五經博士之襲似未愜然有懷未吐嘉靖五年六月臣承命知處州府事值公幹至青田謁誠意伯祠見規模卑隘及詢儀物亦不加隆其孫劉瑜現襲處州衛指揮使臣思太祖之報賞也論功錫予權衡不爽奈何歷世未遠而事體頓殊徐達子孫輝映百年無異基襲蔭僅一指揮祭祀率多簡略恐太祖在天之靈不欲止於是也查弘治十五年禮科給事中臣吳仕偉請建祠於府城前任知府臣梁宸謹奉欽依事理置地於星華舖尙未建立臣不忍緘默冒死上陳伏乞皇上敕禮兵二部查照徐達湯和等於襲蔭稍加爵秩祠宇稍壯麗祭祀稍加豐隆使其子孫世守則上副太祖錫報元功之誠下協天下臣民之論抑有厲人心於將來矣等因奉聖旨該部知道欽此欽遵抄出送司案呈到部除襲蔭移咨別部施行外所據建祠置有官地即便轉行該府開拓建祠其祭儀祭文查照該縣舊

麗水縣志

卷五

祠祀

三十

麗水啓明印刷所代印

規施行嘉靖七年五月初三日 (邵竇詩) 一代元功百世豪遺容瞻處麗陽高天留湯沐田無稅人擬明裡澗有毛莘野不妨

初就築草廬猶恨未誅曹萬峯指點青田路斷石枯松望眼勞 (顧大典詩) 乘時仗策奠華夷帷幄謀謨蔚帝師豹隱曠閑黃

藻獨修瞻肸享煌煌宸翰照穹碑 (朱彝尊詩) 草昧經綸日英

雄戰鬪年真人准泗起王氣斗牛纏命世生良弼卑棲役大賢

一官齊簿尉千里正戈鋌記室依袁紹飛書謝魯連神鷹思飽

掣威鳳必高騫漢祖除秦法周王卜渭畋廟堂才不易束帛禮

宜先遂有君臣契能令帷幄專南征頻克敵北伐旋摧堅王會

收三統軍謀出萬全河山分帶礪冠蓋儼神仙未辟留侯穀長

辭范蠡船麒麟當日畫竹帛後時編一自邱陵改重愁歲月遷

隆中猶故宅縣上少封田舊俗遷祠廟清歌入管絃黃金遺像

蝕鐵券幾人傳古瓦鼯鼠落荒庭檜柏圓珠絲虛寢胃鳥蹟斷

碑眠想像陰符策沈吟寶劍篇前賢餘事業後死尙迤邐去

辭粉梓栖栖到海壖空林多雨雪哀角滿山川玉帳無遺術蒼

生久倒懸憑留一黃石相待穀城邊 (案) 謁劉文成祠詩甚多非爲麗邑作者不錄

泗國公祠 在縣治西南祀明參軍耿再成有宋濂及蘇伯衡

碑

(宋濂耿公祠堂碑) 侯諱再成字德甫從吳王下江東多著勞烈自偏裨擢陞江南行樞密判官階鎮國上將軍龍鳳

四年冬王帥師取金華侯為前鋒金華平五年冬十一月王命胡參政大海及侯分道攻括蒼已而又平王遂命侯鎮其土勞來安輯至者如歸侯馭下嚴軍校或斬人邱木捕而誅之自是皆畏威雖畦蔬不敢采先是士卒所至必徵私粟於民號曰皆糧莫敢何問侯白胡參政罷之八年春二月軍中有舊降帥相挺為亂侯方與客飲聞變即上馬收戰卒不滿二十人迎罵賊賊怒欲刺侯侯運劍連斷數賊將躍而前正中侯頸遂墮馬罵賊不絕口而死夏四月王師四集盡殲醜類改葬侯於金陵之聚寶山命侯子天璧嗣職仍鎮其土無何龍泉何公深總制是邦七邑之民咸踞請立祠以受其靈胡公曰吾志也命知府事程君孔昭視其役肖侯像其中經始於九年春二月落成於夏五月(樊獻科泗國公祠記) 泗國武莊耿公勳庸之盛死國之忠具載宋太史碑中時方草昧祠雖建而祭典尚缺至今百八十年乃發於公六世孫曰鏞者陳詞乞祭得俞所請命歲祭二仲又命公子天璧配食乃徵文紀石俾來者知祭典維新之自云

三賢祠

在縣治南明巡按御史王獻之建祀中丞章溢南陽

麗水縣志

卷五

祠祀

三十一

麗水啓明印刷所代印

侯葉琛縉雲伯胡琛同治十一年南陽侯裔孫重建

(章拯三賢祠記)

括山降神克生誠意伯劉公基御史中丞章公溢縉雲伯胡公深南陽侯葉公琛皆人傑也然章公遽卒於位胡葉二公沒於難獨劉公從容受封比蹟子房近復蒙恩建祠襲爵而三公祠宇荒廢識者憾之新安湛泉王公獻之按臨慨然曰此觀風者責也謀諸憲副胡公有恆盧公蕙都閻韓公平守備盧公鏜皆欣然協贊而平原岱野張公一厚遂擇地於城中得葉編修遺構棟宇宏敞買為祠前為門樓中為享堂肖三公序爵列坐復樹三碑於堂各刊行實五旬畢工行麗水縣春秋致祭(案) 章拯記括蒼彙紀誤題王獻之作據石刻正

二忠祠

在紫陽祠後明分守參議勞堪建祀參議耿定僉事

王晟

(勞堪二忠祠記) 余觀括史云正統十三年寇薄括郡耿王二大夫率兵禦之明年大戰於周坦兵潰被執不屈

死余生平嚮慕忠節之士願為執鞭今得二大夫願俾其泯沒而弗俎豆也其謂之何爰命有司設像祀之夫忠良心也貫常變齊死生惟知有君而不知有身之謂也謀身重則謀國輕居常非則遇變苟何者亡其良心也比心可剖而宗國必不可負

顏舌可斷而叛虜必不可從百世而下聞者莫不興起焉觸其良心也二大夫之死真不有其身矣聞風者亦將忠君報國之心勃然生乎余記之不獨爲二大夫也（案）明史張驥傳定和州人晟鄆城人俱進士事聞贈官錄一子

郭公祠 在府治後順治十六年知府周茂源建祀明知府郭

忠（周茂源郭公祠記）公長身鐵面嚴重有威家視括子視民凡可以去括之疾苦而爲安全計者莫不焦思畢力以圖終於形枯神斂以卒於位故其神依久弗去往往昭靈見像以警動人耳目維治之北有隙地焉卜云其吉於是伐木於山陶甃於治鳩工飭役爲屋三楹爰作公主升之於座

崔公遺愛祠 在縣治西澄西舖清康熙中建祀總兵江夏崔

相國（倉聖潢重修崔公祠記）總戎元卿崔公早年立功滇黔晉楚間及移節東南歷溫州臺灣處州所至盜息民安著有勞績先是處大歉公爲設粥賑饑死者施棺槨掩其遺骸災黎賴焉體恤行間代出費運糧給芻牧軍政得不替士卒借支銀若干悉焚券弗責償一時兵民慶更生遇疾卒於處處人立祠祀焉歲久漸圯過者惻然因謀更新益廓而大之將鳩工適公

麗水縣志

卷五

祠祀

三十二

麗水啓明印刷所代印

子應階撫山左聞之發使賈金抵處一切修營所需皆給公價不絲毫累民而觀察使蘇公總戎干公暨余往來董率不日落成守土者春秋時享率土人齋肅告虔公之靈將默鑑焉所以降福於處人者正未有艾也

方公遺愛祠 在縣治西華祠舖清乾隆三十三年四營公建

祀總兵江都方文登道光二十五年總兵梁勝灝以總兵鄭

國鴻遊擊托雲保守備李躍淵千總洪式琮蔡步高胡大純

外委金釗諸主祀祀皆二十一年進勦暎夷陣亡甯波者也

同治十年四營建關帝廟以祠址毗連遂併入設栗主祀於

右廂

（植璋方公祠記）雍正七年公由黃巖調鎮處州知兵丁青黃不接輒乏食愷切具奏願捐俸買穀三千石春夏

借給秋冬買還蒙恩旨准行迄今三十餘年各省仿照舉行公之愷澤遂及天下矣公因處郡上通雲龍七邑下達甌江捐設巡船巡緝私梟於鹽課有神各商呈請青邑鹽關每引輸費二分以爲巡兵盤費并修船之用至今查緝攸賴皆公之遺愛也

公字臺臣揚
州江都人

昭忠祠 在縣西四十里碧湖村頭咸豐辛酉知府李希郊殉

難於此同治十三年知府潘紹詒詳奉奏准建立專祠光緒

二年工竣並記其事

記云咸豐己未公之奉守栝蒼也適當
粵匪擾後瘡痍未復越二年匪再犯邊

境公先率勇堵禦餉不濟勇潰遂松相繼陷乞援不獲命公卒
以親兵數十當賊鋒力竭陣亡事聞奉旨賜恤贈太僕祀昭忠
祭葬如例並給世職恩至渥也余聞而心敬之後十年來守是
邦訪悉公治行及死事狀益重其為人亟思建祠祀公而餉需
未裕民力尙艱不果嗣闔郡士紳條其事蹟乞余陳請建祠益
信公德澤在人嘉士紳之不忘舊澤也轉陳大府奉請得旨允
行因蹟公殉難之所於碧湖得爽塏程工興役閱數月落成董
其事者請為文紀之余思公宦績忠魂始末詳本傳可不贅敘
惟聞公赴難時兵無一旅糧乏宿儲屬邑又無環墉捍禦可攬
而固守者惟郡城不難借一背戰耳即事萬無可為則正衣冠
與城共亡公詎未之熟計乃當道不察其志迫令前驅迎勦公
僅率親兵數十人冒刃而進致被戕於亂賊蜂擁中不甚可慘

麗水縣志

卷五

祠祀

三十三

麗水啓明印刷所代印

也哉然至今生氣凜然精爽所憑當與括山川
同其靈祚孰非公之福耶爰摭其實而錄之

棗山廟 在棗山

靈佑廟 在縣治東南一里宋乾道二年賜額今俗呼厚田廟

協濟廟 在縣治西南花樓井宋淳熙中市不戒於火禱之即

滅郡守李處全請賜廟額

好道廟 在城東十里宋大中祥符間封濟渡侯

通惠廟 在城西三十五里宋政和三年賜額紹興四年封普

應侯

(案)府志云晉司空陸
阮然有記今無考

龍子廟 在縣西四十里碧湖中堡嘉慶十二年建

(案)舊志謂
俗改司馬

廟為白龍廟遂附會為龍子廟譏其拂情違禮削而不書然流
傳已久民俗俎豆所歸且殿宇宏敞莊嚴士大夫過者咸憩於

此故復存之
以當古蹟云

胡公廟 在縣西四十里碧湖下堡祀宋永康胡則廟有古浮

屠故亦名塔院

清光緒二十二年里人曾占鼈葉熙春等重建民國元年壞於水又募捐重修

協應廟 在風門山巔宋淳祐十二年賜額慶元二年郡守趙

善堅禱雨屢應奏加二神顯惠公靈祐公

福順廟 始在縣東五里宋淳熙三年知縣吳津遷於延和門

內後遷巖泉門外今在縣治西驛前舖

顯佑廟 在縣西白峯禱雨有應宋咸淳八年賜額

旗纛廟 在縣治西祀軍牙六纛之神明制霜降日處州衛掌

印官主之

麗水縣志

卷五

祠祀

三十四

麗水啓明印刷所代印

火神廟 在縣治西星華舖同治九年邑人醵金重建

(案)以下三廟皆

康熙中年平陽鎮移駐處州後營官所建

馬王廟 舊在火神廟右咸豐十一年燬於寇同治十年併入

華祠舖關帝廟祀於左廂

晏公廟 在縣治南石橋舖

(案)據浙江通志則神為宋晏戍仔府志以為晏安誤

忠靖王廟 在圍山宋王信山堂故址俗呼太保廟神為唐平

陽溫瓊能除疫癘清乾隆中建同治六年里人醵金重修金

碧輝煌逾於疇昔香火之盛甲一郡焉

舊志謂信使金獲神佑既歸建廟圍山宅

後以奉之

護國夫人廟 在通惠門內菱山祀唐孝婦馬氏咸豐八年燬

於寇同治十二年知府潘紹詒倡邑人鳩貲重建

孝婦景寧縣人
事詳

李陽冰碑見
景寧縣志

順懿夫人廟 在縣治西太平坊鶴鳴井南祀閩中女子陳靖

姑

(十國春秋)靖姑陳守元女弟也嘗餉守元於山中遇餒嫗飯之遂授以符篆驅使五丁永福有白蛇為孽惠宗召靖

姑驅之靖姑斬蛇為三詔曰蛇魅行妖術隱淪後宮誑欺百姓靖姑親率神兵以安元元功莫大焉其封為順懿夫人食古田三百戶以一子為舍人

南園夫人廟 在縣治西萬象山麓南園祀林氏夫人相傳主

掌小兒天花事故俗稱管痘夫人事實失攷

案此廟所祀之神既無故實本

可不列第香火之盛頗不亞於陳馬二夫人用略紀之以符輿情焉

東嶽行宮 在縣治西南有元項棣孫碑

(案)宋真宗大中祥符九年有事泰山嶽神

麗水縣志

卷五

祠祀

三十五

麗水啓明印刷所代印

顯異詔天下郡縣悉建東嶽行宮此郡縣東嶽廟所自始也項棣孫碑謂栝郡東嶽之祠始創於唐殆失考耳

寺觀

二氏之教非近代所尚往昔琳宮梵宇有鞠為茂草者矣顧或地居名勝為前賢觴詠所轄亦覽古者所樂道也凡舊記所載無問興廢悉錄之以備考教堂亦宗教之一今併附焉
普慈寺 在城北六十里吳赤烏元年建

天甯萬壽寺 在城東七里唐景雲二年建

（陳傅良除夕宿處州天甯寺詩）人言

老去不如初我愛初心老轉無懶向門前題鬱壘喜從人後飲屠蘇杯盤甚簡眠須早禮數多寬拜要扶况復駒僧紙帳雞人不聽禁庭呼（方岳離括日子安湯卿子貫同宿天甯寺詩）數月蒼州住山猶有故情雨如知去日詩亦了行程官柳因寒損僧茶帶雪清怕無書信便一夜話連明（朱應鍾詩）比郭山迴麥隴斜碧蘿紅蔓記年華寒原樹映千峯色古寺林開五月花游客未應忘色相老僧誰復具袈裟絕憐太僕題詩處今日齋堂集暮鴉

麗水縣志

卷五

寺觀

三十六

麗水啓明印刷所代印

文殊寺 舊在城東五里唐開元初建元至元中燬於火大德

中買宋葉樞密經堂舊址改建於城中黃靈橋南

能仁寺 在小栢蒼山唐天寶元年建

護法寺 在天王山唐天寶元年建有雲林閣

（括蒼彙紀）僧守約麗水人誦法

華經有悟人稱之曰約法華晚住天王護法院嘗夜出守門者夢伽藍神呼佛歸起開門師適至衆咸異之後坐化（葉夢得）（雲林閣詩）蓬萊仙人好樓居飛騰十二鄰紫虛茂陵劉郎厭塵土欲棄敝屣追霞裾柏梁建章上霄漢凌雲作賦憐相如九關竟斷雷雨隔汗漫未可憑尻輿百年玉椀在人世白髮既老誰能除那知幽子三昧手坐斲一室剡崎嶇飛闌跨空繚千嶂下睨衆木森扶疎真游已遠不易到幽事僅足那求餘我來佳處得咫尺崖谷更值晴烟初超然便覽塵境絕脚底未怪鳴鐘魚（案）葉詩語氣未完恐有脫佚篇中劉郎亦未知所指

勝因寺 在城西南十五里唐大和九年建

大明寺 在城南二十里大梁山下唐大中元年建

仁和寺 在城西十里蘆灣唐大中二年建舊名靈隱宋大中

祥符二年改今名

延福寺 在城北四十里唐咸通中建有宋建隆三年碑

壽甯寺 在城北二十里壽元山下唐咸通十三年建

梵安寺 在城北二十里唐咸通中建

崇梵寺 在城西南十五里唐咸通十三年建

延昌寺 在城西南六十里北部唐乾符元年建有宋紹定寶

祐二碑

大安寺 在南明山

(名勝志)唐中和間三平和尙所建和尙每騎虎出山至溪津叱使還徒步入城晚歸

麗水縣志

卷五

寺觀

三十七

麗水啓明印刷所代印

則虎候溪澣載還山以為常 (明一統志)三平真身像在麗水大安院有破袖若蟬翼藕絲其徒賣之 (兩浙名賢外錄)唐僧

明覺麗水人住南明山雪竇禪師頌之曰三界無法何處求心白雲為蓋流水作琴一曲二曲無人會雨過夜堂秋水深時有解脫和尙者亦住南明嘗月夜靜坐依華嚴經入佛光定感化佛出現由是悟入三摩地辨才無對當時禪學之士皆言法中

義虎南明有二

法海寺 在囿山唐光化二年建名報恩宋大中祥符元年改

名法海政和七年改為神霄玉清萬壽宮旋改真身寺建炎

元年復今名康熙三十三年住僧法鑑徙古老君廟銅鐘於

寺後建明遠樓以覆之鐘為宋紹興三年天慶觀道士吳師

正所鑄形鉅而質良城中遇火聲之以警眾自粵匪蹂躪樓

燬而鐘半陷土中近邑人謀釀金建復焉

(秦觀題法海平閣黎詩)寒食山行百

烏喧春風花雨暗川原經旬移病依香火寫得彌陀七萬言

(案)此詩括蒼彙紀誤屬法安寺今從淮海集正 (又留別平闇)

(黎詩)綠盡山城且不歸此生相見了無期保持他日蓮花上重說如今結社時 (指月錄)立禪師處州人住法海寺徽宗革本

寺作神霄宮師陞座謂衆曰更僧寺作神霄佛頭添個冠兒有何不可山僧不免橫擔拄杖高挂鉢囊向無縫塔中安身立命

於無根樹下嘯月吟風去也擲下拂子竟爾趨寂郡守具奏詔仍改寺額曰眞身 (汪瑛避暑詩)端陽纔過暑方酷主人勸我

蒲萄綠三杯引滿便陶然睡起南窗看脩竹招提猶是舊登臨古殿雲深肅晝陰鼓罷瑤琴日亭午却來風處一披襟

惠明寺 在城北四十里唐天祐元年建

福林寺 在白雲山唐雪峯和尚四世孫福林澄禪師卓錫於

此元縣人吳德太新其遺址延僧以假爲住持今有柳贊撰

空中禪師塔銘空中以假號也又有宋濂撰白雲禪師塔銘

及至順元年萬佛良緣碑寺屢燬於火住僧景林募建未就

麗水縣志

卷五

寺觀

三十八

麗水啓明印刷所代印

卒縉雲棲眞寺僧達智踵成之近經兵燹復又摧殘剝落矣

(案)僧明本崇福寺碑云衆請出世住白雲法會禪刹故括蒼彙紀謂法會寺舊名福林在白雲山也然柳贊空中禪師塔銘云

師避喧括城北法會寺主子文間請師曰距城十里有白雲山院曰福林僧文欽萬佛良緣碑云白雲峯巒秀拔宋咸淳間遷

寺山下舊址荒穢將百祀延祐戊午法會住持文長老請空中重復前修則法會非卽福林矣諸碑並出元人未知孰是又雍

正處州府志別出白雲寺謂至正辛未建額曰福林今考福林之在白雲其來已久碑碣可證非元代始建至正亦無辛未皆

府志誤也 (括蒼彙紀)空中棲禪白雲山四方之侶聞風來赴履滿戶外至元丙子一日援筆書偈曰地火水風先佛記掘地

深埋第一義一免檀那幾片柴二免人言無舍利跏趺而化(稽古續錄)智度號白雲麗水人俗姓吳年十五投禪智寺空中

假公雜染受具深習禪定達旦不寐者三載於白雲山築舊福林院以居與毒種曇光成山欽公互相策勵洪武二年詔徵天

下名僧師豫焉還居虎跑復趨華頂旋回福林沐浴易衣書偈而逝 (括蒼彙紀)白雲禪師年十五薙髮游七閩諸山還定居

白雲胡深嘗造問之曰滅却心頭火特來參老禪師以機鋒語應之深怒欲剗刃師曰心頭火未滅略撥卽生烟深愧謝復問

師曰若問前程事古月落西川後深征陳友定戰死西陽（林富詩）山上禪門寂不關白雲野鳥共高閒誰知紫綬金章客興在清泉白石間境爲通幽忙亦愛峯於最上倦猶攀詩成媿我當官去又促肩輿問市寰（張寰詩）高峯深處扣禪關百轉籃輿意自閒飛瀑長鳴幽澗裏蒼松半插白雲間早春急辦登臨費遠嶠徐從杖履攀宦况不隨多病減野情久已隘塵寰（許）（國忠詩）蓬壺高倚白雲隈九日重邀仙侶來疊嶂晴光牕外閃平原秋色掌中開貪看松菊頻移席笑摘菜莢數舉杯明月共憐今夜好樓頭莫惜漏聲催（韓錫胙詩）平野扇涼風山光得秋態上攀青霄行下受遠山拜洞壑歛已開松杉翳其內池冷天清虛寺古金鎖碎諸佛相莊嚴定寂忘知慧方丈映苔竹鬚眉亂蒼翠香茗滌塵心清供分道味十年游興積於今始一遂豈必武陵溪縹渺乃世外

禪智寺

在城西七十里岑峯吳越寶正元年建

（枯蒼彙紀）寺有紫牡丹一

本高丈餘每開五百餘花花各十二瓣值閏年則十三瓣宋政和間宣索人御苑花不開詔還山復開成化十三年寺燬於火

花已枯落矣

麗水縣志

卷五

寺觀

三十九

麗水啓明印刷所代印

妙善寺

在城西四十里吳越寶正元年建

寶勝寺

在城西南二十五里吳越寶正元年建

清光緒十七年白橋生員

葉騰芳等經理寺租重建

大雲寺

在城北四十里朱梁乾化二年建

多福寺

在城東二十二里後唐長興二年建

常樂寺

在城北六十里石晉天福元年建

妙智寺

在城西二十六里石晉天福二年建

悟空寺

在城西南五十五里石晉天福二年賜名有宋寶祐

三年咸淳五年二碑

化城寺

在城西四十五里石晉天福三年賜名

（案）舊誤作化成今據永樂

三年魏朴墓
誌石刻改正

資聖寺 在城西四十五里石晉天福五年建

淨居寺 一在城西南五十里五代漢乾祐元年建 一在城北

二十里宋嘉熙三年建

法興寺 一在城南十里五代漢乾祐二年建 一在城北半里

北郭橋西亦五代時建

瑞相寺 在石僧山五代漢乾祐二年建有廣照亭（王希魯詩）
霜落寒溪

褪淺沙斷崖蒼蘚臥枯槎但知有酒可留客何事無鄉苦憶家
短景路長人跡絕遙天風急雁行斜試憑金地舒愁眼看盡歸
鴻入暮霞

崇法寺 在城西南三十里五代漢乾祐二年賜名

麗水縣志

卷五

寺觀

四十

麗水啓明印刷所代印

普信寺 在城東十里五代周廣順二年建

定慧寺 在城北四十五里五代周顯德二年建

妙勝寺 在城西南三十五里宋建隆元年賜名

法喜寺 在城南五十里宋建隆元年建有元致和元年孤峯

禪師碑

清心寺 在城北五里宋乾德元年建

佛日仁壽寺 在南明山宋乾德三年建湯思退請為功德院

賜名佛日報嚴寺改名仁壽未知何歲元至元中燬於火大

德中重建歲久傾圮住僧達識繕宇葺牆復成崇構范銅為

鐘形製巨麗撞之聲殷林木為南明之游者咸借憩於此焉

（案）仁壽大安各為一寺近歲重建碑文謂唐曰大安宋曰仁壽誤（端木國瑚寄仁壽寺僧詩）昔訪高陽洞題名在石梁盤陀行脚穩瀑水洗心涼松月夜牕曉山鐘秋夢長廿年塵事隔為憶贊公房

戒光寺 在城西五十里宋太平興國二年建

聖壽寺 在城北六十里宋大中祥符元年建

法安寺 在城西南一里宋大中祥符初建紹聖間秦觀謫監

酒稅青田曇法師於此結庵居之

（秦觀處州水南庵詩）竹柏蕭森溪水南道人為作小

圓庵市區收罷魚豚稅來與彌陀共一龕此身分付一蒲團靜對蕭蕭玉數竿偶為老僧煎茗粥自攜脩綆汲清寒

廣聖寺 在城東洞溪即唐郡守李敬仲燕憩之所宋皇祐元

年賜今名後廢嘉慶十八年里人即其地建玉成觀

（許尹詩）刺史他

年宅而今桑柘村懸巖蒼蘚合壘壁野雲昏水面春風皺花枝暮雨痕我來訪遺跡只有斷碑存（皇甫詩）東溪斜帶郭五

麗水縣志

卷五

寺觀

四十一

麗水啓明印刷所代印

里接仙源嵐氣迴盤嶺灘聲到石門僧開翠微舍客造白雲軒訝可無機事看鷗代語言（顧大典詩）北郭迴盤嶺東溪注急

灘空林清梵出孤磬夕陽殘像古黃金淺泉飛碧玉寒禪心如定水何處有波瀾

定光寺 在城西五十里宋治平二年建

山門寺 在城西七十里均溪宋崇甯元年建

廣福寺 一在三巖舊名壽聖有摩利支天像永靖康中士民

為知縣江安止祈福所造隆興元年改今名康熙三十三年

知府劉廷璣重修寺後有鳴玉堂冰雪亭

（劉涇詩）混成初造物幽絕故離羣入

戶清容月分栖淡借雲木陰闌暑氣泉滴厭秋聞欲索秦人記消磨篆不文（案）劉詩刻三巖石壁彙紀入之靈山寺誤也

（李能詩）玉峽何年劈作三至今勝跡鎖烟嵐鳥飛花雨落巖竇龍起風雷遶石潭留供禪僧參玉版聽經山鬼護琅函晚來更

覺多佳趣兩耳松聲酒半酣（廳敦仁詩）何處尋幽勝西山石洞陰懸崖飛瀑細野徑薜蘿深橋斷方通沼亭危倚碧岑興豪

歸路晚明
月照長吟

一在城西四十里碧湖亦稱碧湖寺唐天寶三年

建同治五年知府清安飭縣募錢唐王光祖紳董葉文濤沈

毓彥汪植祥徐元泰鳩貲重建

民國十四年曾占鼇葉壽椿沈國瑛吳錫祺等募捐重修

張吉安詩～留得殘碑在荒苔漠漠青田拋僧結訟寺古佛無靈
飢鼠饑穿壁飛蟲鬧滿庭曾聞開講座山鬼夜聽經
～宿碧湖

寺不寐詩～蟲冷自相語繩牀伴寂寥秋吟山骨瘦春夢酒痕消
簫鼓叢祠鬧魚鹽近市囂誰能知我意永夜一燈挑
～碧湖寺卽

事詩～謫居淮海住圓菴我亦生來冷澹堪吏散靜如僧退院官
閒夢與佛同龕文書遮眼明朝事詩句關心靜夜參輸與癡奴

眞解脫忘機
一枕睡酣酣

停雲庵 在城東二十里宋乾道元年建

靈鷲寺 在城東二十里靈鷲山始建之年無考有元至元二

十六年重刊宋淳熙四年碑前列四塔有嘉定九年及十一

麗水縣志

卷五

寺觀

四十二

麗水啓明印刷所代印

年款識

崇福寺 在萬象山元貞元年僧行英建始爲萬象庵大德

十年改今名有延祐七年碑僧明本撰趙孟頫書明本卽時

稱中峯禪師者也碑陰刻明萬歷間重建記撰人爲屠隆書

則林芝也道光六年住僧達眞重建像設莊嚴殿宇宏麗爲

城中諸寺甲觀知縣張銑有記自粵匪踞城金碧化爲灰燼

同治七年僧精一募緣建復然不如昔之環瑋矣

皇甫沔詩
蓮城最高

處蘭若此中開水見東溪去僧聞西域來啼鳥喧梵座花雨淨
經臺觀萬俱空寂何須得象回
～顧大典詩
～聊因簿書暇靜憩

此禪林秋水澹吾慮白雲怡道心層城蒼岫
合高閣夕雲沈萬象俱虛寂觀空意已深

孝節庵 在溪南下步莊元孝女陳妙眞廬墓於此至正八年

賜名事詳列女(案)石刻有宋濂節孝庵記與宋集陳孝女傳間有異同又石刻作妙真集作妙珍未知孰是

四果庵 在下河明天啟四年縣人光祿卿王一中建觀音閣

於後(王一中四果庵建觀音閣記)栢城東五里許有四果菴歲癸亥予以假歸就其地追薦亡女見溪流前遶林木

翳然因覓季氏地拓菴之後創大士閣為亡女助冥脩女名蘭聰慧好書一過輒成誦戊午予以考選寓京家人聞京師戒嚴驚懼女年十五宴然如故且戒家人毋傷大人辛酉遼陽陷女適嗽櫻桃聞之鬱鬱不樂輒吐血壬戌予按登萊其春有廣甯之變予星馳至東牟其夏白蓮妖教猖獗女聞疾彌甚迨事甯予得代南旋女喜迎於五雲余夜半始至旅舍女勞望久血不止至秋竟不起蓋其天性至孝念予而至此也揮淚記之以見是閣之所由建云(許一鈞謁明孝女王蘭遺像詩)妙相明妝尚儼然祠荒有客薦清泉東風猶作思親夢門外櫻桃紅可憐

大覺庵 在巖泉門外里許始建之年無考同治六年僧常達

麗水縣志

卷五

寺觀

四十三

麗水啓明印刷所代印

重建

大士閣 在行春門外明建跨濠架木繚以水榭嘉慶五年壞

於水十九年里人釀金重建

明覺寺 在城西北四十五里(案)括蒼彙紀云唐開興三年建考宋理宗端平元年金哀宗改

元開興三月國亡唐無是號紀誤

正悟寺 在大溪南(案)括蒼彙紀云唐貞明二年建考貞明乃朱梁末帝號非唐也紀誤

報慈寺 在城西三十五里本殷敬宅捨為寺

妙法寺 在城西十五里

泰興寺 在城西南三十五里

妙覺寺 在城西二十里石牛(張吉安石牛詩)小憩石牛道離城廿里賒柏林霜染葉蕎麥雪

鋪花古渡餘寒水沿村踏淺沙相逢谷口鄭僧院共煎茶（自石牛寺至新亭莊詩）又到石牛寺憑欄一望中斜陽僧喚渡落木鳥呼風鏡水寒光澈琴山遠意通遙知碧湖畔晚市暗戎戎一幅荒寒景詩從畫裏尋童山多削骨老樹半空心水落沙痕淨雲低雪意侵錯驚梅萼破柏子綴霜林

涵白堂 在城西四十里碧湖中堡兵燹後頽圯同治六年縣

幕王光祖邑紳沈毓彥鳩貲重修右附接濟保嬰局五穀神

廟民國元年壞於水里人沈國琛湯景彬等募捐修復寺有田地

八畝一分訂立章程
交往持人經收

慧燈寺 在城北二十五里（張吉安詩）飢鼠齧牀龕火綠殘僧煨芋地鑪紅擁衾一覺涼如水夢

在輕烟
薄靄中

西竺寺 在城西三十里椒山（張吉安詩）椒山巖岫好西竺契真傳佛地香為界僧廚竹引泉

麗水縣志

卷五

寺觀

四十四

麗水啓明印刷所代印

烹茶湔世味煨芋證前緣敢繼昌黎躅留衣與大顛自注
云寺中古桂一本花時香聞十里住僧滄月潮州人也

惠日寺 在縣西四十里碧湖上堡民國元年毀於水里人魏人驥沈國瑛葉大珍葉作

雲等募
捐重建

慧力寺（案）以下二寺見宋濂撰
俞巨川墓記未詳所在

慈仁寺

天壽寺 在縣東六十里吳處金鳥界獅巖山明萬歷元年建

老君廟 在縣治東南一里晉建唐開元中改開元觀宋大中

祥符元年改天慶觀米芾書額元元貞元年改元妙觀明洪

武二十三年燬於火惟鐘樓存宣德八年修康熙中鐘徙於

法海寺

（括蒼彙紀）王應廉字正大麗水人天慶觀道士受上清法錄政和二年賜紫衣得養氣之術於西蜀李曼

老紫氣溢眉間好讀南華經士大夫樂就之清談竟日戶外之履常滿所居室曰渾淪庵 〔兩浙名賢外錄〕葉文詩麗水人嗜酒善詩畫輒累月不出出則羣兒環之或與之錢則悉與路人寶祐甲寅十二月嚴寒浴於觀池擲其衣獨臂二草履作偈云似癡非癡似醉非醉竹杖芒鞋落魄半世清風明月逍遙流水白雲自在端坐而逝 〔括蒼彙紀〕文詩爲天慶觀道士時稱葉書記既葬人或遇於路跡之復不見 〔蘇伯衡梁道士傳〕梁貞字松間麗水人八歲喪父母十二投紫陽觀爲道士旋入元妙觀事希元傳其道集賢大學士薦於朝得處州路元妙觀住持提點郡嘗旱長吏禱且兩月終不雨詣貞請禱俄陰雲四合風雨大作三日乃止貞曰我豈能致雨雨適與醮會耳貞惟一兄五十不娶貞罄囊中金涕泣勸兄娶婦得二子

黃靈觀 在縣治西黃靈橋上唐刺史李邕撰葉慧明碑及夢中書葉有道碑相傳皆於此觀也

妙成觀 在少微山唐建名龍興宋治平間改今名元至元二

十五年重建有春新堂溪屏閣豫章洞天天然圖畫亭掀篷室

麗水縣志

卷五

寺觀

四十五

麗水啓明印刷所代印

諸勝

〔案〕名勝志謂唐貞元間建栝蒼彙紀謂天師葉法善居之今考法善卒於開元八年見唐書下距貞元六十餘

年若果建於貞元法善何由居之乎二者必有一誤 〔括蒼彙紀〕劉雲心名德劭麗水人學道於妙成觀善琴工詩精意元學郡有疾病水旱必禱之謝遺俱惠貧窶平居無身外貲眉間有七黑子若北斗狀至正庚寅年八十八沐浴坐正室索筆書偈而逝 施舉縉雲人學道妙成觀號紫霞張真人聞其名寫紫雲山房圖贈之洪武中坐其徒事軍士以杖促其行杖自折赴京得釋歸永樂元年年八十四坐逝 〔何宗姚掀篷室詩〕略掀篷起看山前不數王維畫輞川簷外鳥嘯臨水樹竹根人語下溪船兔葵燕麥春新地茶屋暮牕物外天每訪舊游思舊事故人疑在石磯邊 〔劉基妙成觀用何逸林通判韻詩〕我訪仙家溽暑前青楓綠柳暗晴川竹根露濕登山屐沙際鷗迎渡水船雲氣長留虛白室丹光直上蔚藍天純陽道士重來日爲問蓬萊是那邊 〔又北亭用何逸林韻詩〕最愛青山滿目前更憐亭榭俯清川草深林靄迷樵徑花落巖霏點客船碧澗金芝新出地丹崖石穴舊通天神仙應在樓頭上翠羽霓旌下日邊 〔又挽道士劉雲心詩〕少微山下葬神仙白玉樓中迓翠輶弟子焚香元鶴逝天官肅駕紫鸞翻金丹縹緲空山月鐵笛淒涼遠樹烟溪上故人如見問碧桃花裏過年年 〔謝天與掀篷室詩〕扶筇仙

島訪槎前掀起吟篷看碧川鳥宿林烟高下樹櫓鳴溪雨往來
船欲尋樟洞疑無地應想桃源別有天今夜月明回首處一聲
孤鶴白雲邊（金文掀篷室詩）捲幔羣峯在眼前俯身孤影蘸
晴川幽香喜入樓真境醉臥渾疑罷釣船仙子慣曾騎白鶴道
童却解舞青天歸來屢作江湖夢長傍蘆花淺水邊（金忠掀
篷室詩）倚篷獨立晚風前滿目溪山錦半川別墅雲遮春藥碓
中流人泛採蓮船水濱臺榭疑無地物外烟霞別有天幾度來
游餘興在夢魂還繞五湖邊（周野雲天然圖畫亭詩）雲鎖高
亭十二闌天將圖畫置丹寰捲簾青露石根竹開戶綠分溪上
山花落淡烟流水外鳥嘯芳樹夕陽間仙翁或借天風便明月
瑤笙載
鶴還

紫虛觀 在少微山昔傳葛洪煉丹於此丹井在焉唐道士杜
光庭脩真其地天寶二年建紫極宮尋改真聖觀宋治平二
年改今名有真人堂塑鍾呂二像元至元十四年觀燬像不

壞十五年重建有晚翠樓來鶴亭留舄亭諸勝

（宣和書譜）杜光庭字實聖

麗水縣志

卷五

寺觀

四十六

麗水啓明印刷所代印

號東瀛子括蒼人懿宗設萬言科選士光庭試其藝不中乃棄
儒入道研極至理信宗臨御光庭充麟德殿文章應制流輩爲
之斂衽喜自錄所爲詩文字皆楷書人爭得之一日謂門人曰
青城方創真宮工未畢上帝命我作岷峨主司恐不久於世他
日復謂真宮成矣遂披髮服與門弟子別而卒（案）陶岳五代
史補以光庭爲長安人蓋羽流棲止初無定所耳（括蒼彙紀）
章師廉名居簡以字行遂昌人少業儒以經學名三舍既有悟
棲跡於邑之壽光宮動作語言皆禍福所寓宋高宗遣黃門齋
香致禱大書愼乃在位字授之未幾孝宗受內禪蓋愼乃孝宗
名也乾道丙戌郡守錢竽迎舍郡齋兩月不粒食惟日飲醇酒
一日端坐而逝昇至天慶觀七日顏澤不變越八日瘞少微山
（虞集紫虛觀記）思廉師王清烈於觀中授靈寶經每日望太
陽吐納遂不食暑不揮汗寒不襲衣行步如奔馬而塵不驚
人各從其東西行皆若與思廉面語及合而卽之則一思廉耳
觀主嘗書火字徹衆取筆改火爲水未幾山水大至而水所過
處土去石存巖穴若廈屋思廉常游戲焉有進士從思廉問應
舉得當否思廉不對而議論輒及經義及試用其說中高等故
儒家亦信之郡守錢竽有從父因竽求見思廉望見遽呼大資
後果官至資政大學士其劾治鬼物已疾苦尤效自達官貴人
至里巷莫不神明之歿之日肌骨柔潤云（劉基少微山眉巖）

(神仙宅記)縉雲之山桐溪出焉東南流入於好溪其南曰少微之山是為括蒼洞天有觀曰紫虛山水清奇幽邃甌括間無與為比自唐宋以來神仙鍾離先生呂洞賓皆嘗來游而章思廉徐泰定即其觀之道士也皆以羽化去其事跡顯著人能言之不可盡也履其地思其人甯不飄然有凌雲之志哉觀之南有山曰眉岩章先生羽化之後葬其冠舄之所也今道士梁惟適及其弟子王大每至所必裴回興感嗟先生之緒不續故於巖旁作室以邀先生歲時致享祀而以神仙宅名之夫先生神游八表雷霆為輿風雨為駕躡光景超滅沒亦安事夫宅哉其或鑿二子之誠心而為之一來不可知也故為述其事而繼以歌歌曰幽華兮春菲明月兮秋輝仙人去兮何時歸空山寂寥兮使我心悲檀為梁兮楠為柱白石承檻兮青蘿為宇攀桂枝兮延佇高元無梯兮淚零如雨瑤壁兮丹崖鶴晨鳴兮猿夜哀愴怳兮倚長懷望夫君兮來不來挹寒泉兮薦芳芷長烟徘徊兮清風四起洞谷豁舒兮笙竽盈耳松篁憂摩兮毛髮颯洒采瓊英兮琅玕將以遺兮飛鸞眇眇兮杳冥吟環珮兮雲端逍遙兮夷猶傷心兮離憂拜稽首兮陳情冀神君兮長留 (宋濂神仙宅銘)少微之星煜煜垂芒降魄名山充鬱沛霧結為靈和其中含黃覓之無形發休吐祥孰其尸之有道之士來涵清甯度世不死嫩出東方其大如篴我啄其精以洗吾髓鍊虛凝

麗水縣志

卷五

寺觀

四十七

麗水啓明印刷所代印

真惚恍若神冠劍既藏神游江濱豈伊幻化身外有身出入河嶽下上星辰靈蹤猶存木老亭仆芳草離離誰復來顧有歸者土父子同慕皓鶴不來馳情雲輅乃陟崇椒乃建瓊宮羽蓋颺輪庶或一逢靈風冷然白日正中溟滓無際遐思何窮况乎遙矚境與心會羣峯攢藍二水縈帶萬象粲然如列珠貝一歎歎問竄超物外巖巖者山匪仙不名不有元構曷棲其靈水火有鼎龍虎有經疇非采真浮游黃庭神君捧劍鬼伯持戟呵衛弗祥固此仙宅法古為碑麟迴鳳翼太史勒辭式昭罔極 (案)思廉之卒鑿然有據凡羽化云云乃道家常語文人沿習用之非可徵實而括蒼彙紀云永樂中召高道尋章思廉有周洞微者期以某日當來如期果至則太涉誕妄矣蓋永樂五年遣胡澗徧行天下郡邑隱察建文帝所在以訪仙人張邈邈為名張章同音因以傳誤耳 (括蒼彙紀)盧仲璠字葆真紫虛觀道士早遊名山風標高爽心鏡虛靜乾道二年六月三日作頌示眾坐小軒揮扇而逝太師何公偁以詩憶之云不見高人盧葆真洞前松竹幾經春白雲中斷無雙鶴彷彿悲鳴是故人 (虞集紫)(虛觀記)仲璠徧遊名山終歸茲觀乾道丙戌之歲年八十一召其徒告之曰數至九九而極矣吾將返於數之所不及也揮手謝眾即坐化去 (劉基紫虛觀記)徐泰定嘗遇一道人口吹雙笛授以丹訣仍贈筆一枝令作水墨山水隨意為之遂如素習

後十年欲與遠遊泰定辭乃留詩別去鐵笛雙吹破曉烟相逢
又是十年前曾將物外無窮意總付毫端不盡傳白髮數莖君
老矣青雲一片我飄然世間究竟只如此何似同歸洞府天泰
定八十餘端坐而化(案)此記今本劉文成集不載浙江通志所
引如此括蒼彙紀謂泰定字虛寂其遇雙笛道人在開禧初居
松陽觀行庵時餘略同(括蒼彙紀)葉光大麗水人淳祐間寓
紫虛觀一日遇道人弈於觀後山光大異之遂求道期以明日
詰旦往候不見至晚遙見兩人在山頂復往求授以一符一咒
語曰做得著穿緋著綠做不著書符賣藥由是遇謁醫者隨意
用藥卽見效(劉基吳梅澗墓誌銘)括有高士吳先生諱自福
字梅澗生而敏慧父母異之謂其有仙風道骨稍長命入紫虛
觀從葉邦彥先生爲道士及長德行愈著自達官貴人以至市
里細民無不敬愛先是觀燬於兵繼作極草率先生領事觀宇
燦新山水爲之增氣性孝友能愛人親在時必日親觀省與兄
遊處眷眷不忍舍弟死則撫其孤兄子能讀書早夜勉之既而
世昌中乙亥鄉貢世德中丁亥乙榜客至輒具酒食不極歡不
已同門陳樵隱老病先生躬奉湯藥侍寢興數歲猶一日及卒
爲治喪葬其他多類此鄉里之稱仁德長者莫不曰吳先生焉
故領袖教門垂五十年大小咸敬服無間言至正十五年冬十
月丙申卒年七十有五(周琦詩)少微山上紫虛宮峭壁懸崖逼

麗水縣志

卷五

寺觀

四十八

麗水啓明印刷所代印

太空處士衣冠聞昔日仙人環佩挹高風雲梯路窅青林合丹
井源深碧浪通絕頂直疑香案近蓬萊在望翠蘿葱(劉基紫)
(虛觀周道士還俗多年貧老如故元帥石抹公憐其無依復令
歸觀就養詩)白鶴樓青松願與人世違松高風露寒却向人間
飛江湖無稻梁歲暮將疇依稽首浮邱公涕淚洒毛衣浮邱憐
老鶴解悟既往非浴以丹池泉照以若木暉翛然骨髓清還向
青松歸松葉烟葺葺松華霧菲菲可棲復可食其樂天下稀如
何從雁鷺喋呷圖身肥(又紫虛觀用周伯溫韻詩)少微山直
太微宮山下樓臺起半空丹井石牀纏地絡瓊牕翠戶出天風
傳聞仙子常時到應是神霄有路通會待九秋明月夜高吹鐵
笛上青葱(又題紫虛觀道士晚翠樓詩)晚翠樓子好溪南溪
山四圍開蔚藍微陰草色盡平地落日木杪生浮嵐巖畔竹柏
密先暝池中芰荷香欲酣聞說仙人徐泰定騎鸞到此每停驂
(王壽詩)夏木涼生紫極宮昔人於此悟眞空丹砂光轉鰲頭
月鉄笛聲飄鶴背風門外溪流滄海近天邊雲上赤城通碧瞳
道人清無事手引寒泉養鹿葱(王伯衡詩)山下溪流山上宮
行人來此一塵空神仙遁世多陳迹學士題詩有古風泥像不
隨朱火變瑠樓疑與紫微通重來城郭渾依舊滿徑松杉翠似
葱(胡深詩)少微山下築琳宮遙望觚稜插半空丹井寒泉虛
夜月青田元鶴幾秋風仙家遺跡心冥會世事多難路未通忽

見老龍將雨過四
山佳氣鬱葱蔥

崇道觀 在城西四十里祀唐道士葉法善舊名高溪宋大中

祥符中改今名有元泰定中碑觀久燬今移神龕及石碑於

崇寶寺

(葉現崇道觀碑) 栝城西四十里地號高溪溪源十里為聖山故龍所窟鄉嘗旱護國天師葉公由卯山望

氣鐵券檄龍甘澤隨應歲以稔告鄉民德之肖師像立廟溪西
檜襍每效環溪皆師裔緒合詞於朝請即廟建觀賜額高溪時
開元間也宋祥符改賜崇道 (案) 括蒼彙紀
謂改名在治平三年碑云祥符未知孰是

祥應觀 舊在懿德鄉元至元間蕩於洪水明洪武三年徙少

微山側

祥禧觀 在城東北十里望城嶺下元至元二十四年登仕郎

朱愷捨宅為之

麗水縣志

卷五

寺觀

四十九

麗水啓明印刷所代印

報恩光孝宮

(案) 見十國春秋今不知所
在互詳山水門鳳凰山下

耶穌教堂始於清光緒二年西教士來栝租城內倉前民房開堂設教人初猶不之信遂舍而移設西鄉之九龍信從者稍衆乃復租城內上眞殿衛民房爲禮拜堂嗣以狹隘不足敷用於光緒二十八年購得姜山北面地建築洋房由是堂宇宏敞而規模廓增矣

天主教堂自清同治十三年西教士徐馬二司鐸來栝傳教始設於淮海祠下旋移小魯街又分設九龍吳圩碧湖等處教民約有數百人光緒廿九年劉司鐸購得花樓井民房并基地數畝改建洋房五間嗣又添造大堂益成壯麗民國元年洪水爲災蘇若望司鐸向華洋義賑會籌撥鉅款賑濟後林芳谷繼之并附設華洋義賑會處屬支會焉

